

太平縣志

卷六

地280.125
35
:4

太平縣志卷之六

遺愛

粵惟鄭僑聖稱遺愛寬猛政和惟植惟誨所謂惠人
今茲良宰人往風流父母共戴志遺愛



唐

李承備天寶中邑初建首為令溫恭清簡令化行化洽
汪令宰子孫家焉廣德盜入涇獨不忍壞其廬狀聞於
贈宣州刺史

宋

孫覺字莘老高郵人皇祐元年進士故先禮教儒雅自飭
建學宮縣治衆嘗引鄉弟子於庭親為講說經義民
向學風俗寢美有漢文翁風所著有民利八篇秩滿編
太平縣志 夫不遺愛

校昭文館

陳汝賢嚴正率下簡易近民

元

伊居業湖廣善化人邑教諭湛深經術課士必先行而後文每
朔望定其甲乙士風丕變時偽漢負固彭蠡江漢騷然
任滿阻歸遂籍南隅家焉

明

孔文昭當歸附初開置縣治繼設學校時兵革稍定招集流
亡戶口寔感

柳世榮歸附初宰縣以清理田糧為務黃山峭壁田有不可耕

者申免稅糧一千五百八石民賴其惠

李簡適草創之初建官署而民不告勞善撫字而政尤卓立

梁德遠究心民隱無田通稅悉折收輕衛以卹其困民肖像

祀之

蔣忠公進士輕徭省賦恤乏賑窮營建文廟不勞民力

張瀚字克容博平舉人聰敏廉勤興滯補敝抑強扶弱積

教以備賑修學以育才時稱治績者必曰張公

楊良臣印墨舉人令太平正德十一年四月盜數十人攻劫縣

治良臣率民兵勦捕殲之邑賴以安

朱守為莆田舉人剛毅有為舉飭政務嘗修縣志以才優調

浙江麗水惠未終究民惜其去

劉元凱號雲鶴風格迥異始下車即以立大體救時弊為先

務毀淫祠崇正學禁溺女峻懲豪橫尤加意學校朔望講

說經義饗不厭視事判決如流獄訟寢息歲屢稔悉力

太平縣志

卷六 遺愛 二

調劑民以不病公餘輒獨坐溪山把咏自怡事母謹飲膳必

親畢恭介稱曰先生天挺人豪英邁倫表其心事合神明

其學術妙經濟後調繁淞江去之日囊篋蕭然士民謳

思尸祝三公祠順治初詳允祀名宦

易道談巴陵人以進士知太平縣事嘉靖三十四年浙東海寇

潰入新安應旌涇邑內人民奔竄道談築黃華嶺鎮寇不

敢入境

周應椿廣信人為太平尉隆慶四年五月邑中無賴搆納越寇破

掠四境應椿督捕禦示之寇皆逃散地方以靖

張廷榜龍溪人由進士令太平才長經濟務播民和為民謠山

科表隣界抑豪強懲奸蠹興學校修縣志建義倉置

義塚有城垣壇場學宮縣署天都書院嘉會所演武亭

及巡司署督捕館纖悉條畫皆可經久而民力不煩遠鎮江都尉命下民如失慈父母肖像祠祀之

馬維銘字新甫平湖進士政獻刻深與民休息崇文興學清稅丈田因三府會館視石埭黟縣獨遠建議准貼迎送夫馬以省煩費至今便之

麥瑞歧廣東舉人潔己愛民下鄉自齋糗糧未滿任歸胡牀掛壁士民攀轅不及迄今謳思之

吳中穎字支機烏程舉人秉心清約制行端方革火耗清胥吏平物價省差徭命盜無冤獄考較人才能拔幽滯居二年輿頌載道竟以不能晚長吏色掛冠去士民感泣歲祀名公祠勒去思碑儀門左順治初詳允祀名宦

童學賢字養所浙江餘饒舉人天啟七年令太平歲游饑亂太平縣志

卷六 遺愛

三

民結砦橫掠商民苦之學賢設方畧擒渠魁餘解散民以甯往年歛邑編修吳孔嘉誘宗人吳養春僕告其主隱占黃山歛故耽耽思有一當以分其過學賢與力爭歲省數千緡察邑之積弊五事上之請臺多採行之治績大著邑人為建生祠于東郊事詳胡參政篤卿所撰去思碑

法寰號開三學原東魯威儀容止動有槩則懲貪鄙凡火耗陋規皆革去修文廟造泮池礄尤加意勸學時饑饉相仍多方賑卹藉全活者無算詳允祀名宦按府志法寰崇正末以舉人令太平

周維新縣丞接士以禮愛民如子卹赭衣賑荒獨佐令所不逮天旱祈雨草屨走數十里其悉心民事類如此

郝明徽湖廣雲夢人由舉人令太平崇禎十六年正月左良玉

兵失律部下叛卒假其軍號恣剽掠蘄州守將王允成倡亂攻劫池陽將及太境明徽料城池簡丁壯集隘口謹兵界上夜則周堞設炬擊柝聲勢甚盛賊不敢近民賴以安府志郝明徽崇正十四年令太平

王往士字希賢邑教諭學問該博才識優長改學何卷洋池惠捐貲為倡進諸生講解經義不倦

程遷朱賢並訓導清介律身溫良得士近推良師必曰程朱二先生云

國朝

鹿兆圖號祥璉順治丙戌淮太平時當新造邑頗難治圖加意撫循民以就業舊例南北二糧及諸稅務俱僉民解民不堪命圖與鄉紳程言李一元協議詳改官征民官解民

太平縣志

卷六 遺愛

四

得息肩

任道會稽人以貢士任邑令順治十六年有海氛道令民據險防禦使人自為守稽查甚嚴賊不敢入經黃華嶺負隅劫掠道率民兵捕之獲盜任可呂燾等三人救回被劫民四十餘人盜解散今黃華嶺尚有任公安民碑

黃奇直隸古城人任防官順治三年分守太邑時頑民未靖往往竊發四年四月寇逼涇陽鄰邑告警奇聞即單騎往遇於窪村奮戰援不至至遂見殺都司張佐玉勦平之收墓於厲壇側民爭往祭吊屬卒捐田重興寺奉祀邑令鹿兆圖記其事

傅大業字用滋江西建昌人由順治辛丑進士令太平坦率愷悌民愛而親之時大盜鄭瘋子妄訟鄰家未字女為媳大業

正之盜辭卒不易憲檄頻啟屹不為動竟釋之然大業遂
以此引罪去歲辛亥夏旱道殣相望大業首捐米五百石又
勸民樂輸初煮粥繼發粟九鄉各為廠以賑之越明年季春
乃止全活無算賑之日先期編戶立竿挨序遞給人無一譁
無一遺者縣丞張若械亦與有力焉械助米若干石

董養性字蓮公山東樂陵人以府判兩攝邑篆有子報父仇者
引經開釋各憲錯愕再三讞而後嘆其允當卒與械減庫
士偶持不平姦人網之以黨幾上聞性獨直多士而毅然
持之輿論稱快聽訟必諳切開諭使悔悟而後已析疑
之具皆徵生暇即聚多士於明倫堂討論經籍往往如
師弟然著有四書訂疑易經訂疑行於世

王鄰字欽四直隸田周人由進士令太平性耿介苞苴不行時
太平縣志

卷六 遺愛

五

序文革里排他縣陽奉陰違鄰即如今閭閻若釋重負
凡聽訟告者牒投訴者踵至隨訊隨結民不廢業吏胥畏
之多引去後以卓異陞

鄭載颺號岵思縉雲人由進士授中翰擢郡佐攝邑篆甫下車
即減耗若干凡詞訟必委曲開陳且擇姦德兼優者為之
調息險健之徒亦莫不望門思返校童子核覆至三五務
期拔孤寒羅英俊時登明倫堂集士庶申明六條畢談文
析義直抉精奧諸生有品行者獎譽不置口治未久去
士民謳思

田榕字端雲貴州玉屏人由舉人令太平性慈惠愛民獄獄惟
以至誠開諭請讓息爭民不忍違其令於庠序得佳士其
譽不啻口出乾隆丁巳戊午歲祲民游饑力請賑濟撫循

如慈父母吏胥感其誠亦無染指饑黎沾實惠焉己未春西
郊多虎患柘自為文齋外告於神命獵人捕之兩三日連斃
二虎民害頓息時論為至誠所感續以甘老告歸宦囊如
洗紳士贈言成帙刊曰甘棠遺詠越五年民請祀於名公
祠

陳常字款五無錫人邑教諭雋爽愷易訓諸生春風布席尤
首藉自甘不計羔維課款則解私囊橐以備羹醪相與賞
文析我媿之靡倦乙未成進士

朱茂棟字梅林徐州人以歲薦為司訓樸貌古心至誠於功學前
聖域賢關二坊圯傾橐復之令有甚於士者諸生譁然令計
惟師可以鎮之故怵以危言不為動士賴以安敝衣蔬食常
不給餽遺堅却不受士有應食餼負無費者捐已俸以助

太平縣志

卷六 遺愛

六

之康熙十八年諸生列其蹟請祀名宦

韋聖揆字左瞻蕪湖人以明經授教諭每課士登其尤者付諸梓
以示勸與歲科試凡五未揭一劣行上憲督之急慨然以戒
名曰指桃李為荆莽是饒人媚人以自解免也終不為庠
之士素弱秀民投片紙於學則吏持硃票相謂讓非白鏗必身
名兩敗揆至廉其習業不准理士氣以振學之前陳姓房頗
嫌其過高為蔽康熙二十年貧欲售揆急謀之諸生胡師靖
用償買而折之官牆景象豁然

馬斯臧字功蜚淮陽人以歲貢來司鐸羊裁儼峻人不敢干以
私課士道德為先論文必本韓歐諸大家故甄拔皆一時文
行並優士買學前陳姓房與教諭韋協謀捐俸勸募不遺
餘力厥功尤多生平著作甚富所刊虞餘堂集行世

汪席珍字賓儒上元人由副貢為邑教諭進士先身心
之理常語諸生曰士子所以壞心術墮廉隅者大半為
貧累不思美利榮名皆有命主之非人所能致不善其精
學業為求有得益於得者時邑重建文廟捐俸倡首
又割署內地界成東廡卒於官貧甚紳士競贖之

夏世德順天人與史廉敏有能聲康熙十年歲大穰奸徒
糾黨劫掠九鄉蠢動望仙尤甚德曰亂階萌矣毋便滋
蔓力請之當事隨設役詣其地廉其附從者薄懲之而
力斃渠魁數人於杖下諸惡少皆鳥獸散地方以靖

李峯廣東嘉應州人舉人乾隆二十年今太平性嚴毅廉
明自矢胥役莫敢營一弊豪強不敢干以私治太十載
士民愛之如慈父畏之若明神也奉祀名公祠

贊曰漢世最重循良而孟堅傳循吏指纒數屈何也豈
非以其人之難與自李孝何以來其膺教養之責官師
於斯者不知凡幾而孫莘老諸人或興學以立教或以
而扶衰或當時無赫赫名而去後見思是皆大有造於
茲邑者也邑人馨香而俎豆之則直道之猶存耳後之覽
者當有味于斯篇

名臣

巨豈猶名名自在臣入告爾后出濟斯民其志山嶽其節
松筠吁嗟不朽模楷人倫志名臣

宋

焦炳炎字濟甫弱冠通經善屬文黃勉之奇之嘉定庚辰賜武
舉出身授承節郎調蘄水令繼成淳祐元年進士賜及
第除直秘閣知袁州新俞尉楊大明不法奏竄之豪吏
憚忽從除右正言以言事忤堂軸太常少卿作詩遺
知舊曰事至諫官言不得身為宰相有何榮又云跡
雖無地著心實有天知一禽縱不獲未敢廢馳驅仕
終右文殿修撰與弟煥炎以文武並賜狀元世榮之
孫樹字德標紹興甲戌舉進士知安福改知績溪應判池

太平縣志

卷六 名臣

真二州尋知郢州所至以興學崇文均稅省訟為務在郢
又代民輸荻料等賦及入覲高宗廷獎曰天下有郵而辦有
不郵而辦卿所謂郵而辦者也又論公生明上問何以生公曰
廉生公又問廉何從生曰儉生廉上稱善改知太平州亟汰
冗吏又移温州學宮內故有秦檜祠亟命撤之朱子稱其
愛立而教明古良吏也後以韓侂胄用事以秘閣修撰致
仕歸

明

趙象字惟賢以正德辛巳序貢生授樂陵令補慶雲之官惟
携童僕不以家累自隨廉明仁愛多善政時接章聖太
后梓宮邑人徬皇象調度適宜民以無擾台使聞其賢
異之至署省視圖書外無餘物因嘆曰天下清官有如是

夫秩滿擢桂陽知州治聲彌著三載報政將政邊擢以年
老固請致仕既歸里邑令劉元凱高其清節數往請教答
曰秩俸外錙銖皆是賍私劉服其格言初蒙歸自桂陽無
裝民載四石獅以重其船至今子孫世寶之方諸鬱林石
嘉靖末請祀鄉賢

崔涯字若濟號筆山八歲能文由嘉靖己丑會魁擢監察御史
遇事敢言糾劾不避權貴時陞見上目其風采稱爲真御
史視鹺河東條陳鹽政七事歲大稔疏發鹽課數十萬以
賑蒲解之民賴以全活者衆祠祀之繼按福建始下車糾一
墨吏聞風解綬者七人陳山海十二策悉中利弊上嘉納
焉比亢旱有司禱弗應因疏滯獄從寬恤肅戒親禱霖
雨周渥時稱御史兩等以劾冢宰汪鋹忤旨見斥會倭寇

太平縣志

卷六 名臣

九

東南部院臺省薦天下名士三人唐順之鄒守益涯與馬縉
又薦名士二人江問及涯並以老疾固辭築室桐山賦詩
自娛閒與邑令劉元凱吟咏贈答相得甚歡涯學術醇正
始從湛甘泉遊叙古文小學撰考亭書院奏請羅豫章
李延平從祀 孔廟典試八閩得士最多至斃妖虎讞冤
鵲正氣直與鬼神通鄉居則倡義翼成 文廟振起斯
文尚書康太和狀其清風令德無愧古人政事文章遠侔
後學所著有筆山文集十卷隆慶六年祠祀鄉賢
孫鎬號西涯以鄉薦知臨潁縣嘉靖三十二年賊師尚詔叛
執系良民面黥師字以衆其勢有司果於黥面者正以法衆
料無生理勢益固鎬獨下令曰歸農者民陣鬪者賊師字
有無勿問也衆感泣不煩兵而潰尋擢知簡州恤灶丁集流

亡績最著有土司楊氏嫡庶相爭梯禍數世屢戕殺其長官時朝廷不樂用兵命鎬圖之鎬以數騎往若未嘗有詔者曰遣某來詢所宜立以聞嫡庶各承狀留鎬晏鎬隨報之由是賓主迭晏嫡庶必俱猜疑兩忘馴至九月九日指其北山曰此最高公宜登之以應節嫡庶欣然單騎從至巔布席命酌忽一吏曰詔至二人倉皇隨鎬跪象急持庶下斬之而王命以行蓋鎬先伺其地伏兵以待也進瑞州府同知致政歸奉旨建坊額曰虎符制命協亮邦采智勇可銘初鎬有友以清議獲罪於嚴嵩高思中傷之乃逃匿鎬署高聞怒甚有以利害怵之者鎬曰吾不以一官易一倫也及平土司紀功宜晉秩御史部吏有索金者鎬曰謝恩私室且不為乃行賂若曹耶卒不聽遂改瑞州司馬

太平縣志

卷六 名臣

十

周懌字信之少為諸生治春秋遊南都師鄒東廓講明理學即移書從弟怡使俱就學邑中理學之感自此始嘉靖辛亥膺歲薦授易州同知性勤敏昧爽起視事設筵觀於廳事外訟者累半日糧晨炊食隨剖決發歸攝州篆出一冤獄其人德之剖承領賞以千金懌叱遣之後以趙府審理致仕家居益勵清節所著有居易侯命篇萬慮間請祀鄉賢

周怡字順之號訥谿為諸生時嘗曰鼎鑊不避溝壑不忘可以稱士矣不然皆偽也從學於王龍溪鄒東廓登嘉靖戊戌進士除順德推官以廉敏聞己亥肅宗南狩道順德徵發萬計竝賴怡指畫減費什二三擢吏科給事中劾尚書李如圭張瓚劉天和天和致仕去如圭還遂藉待勘劾湖廣巡撫陸

工部尚書甘為霖採木尚書樊繼祖立朝僅一歲所推擊
卒當事有勢力大臣在廷多側目怡益奮不顧二十三年
六月吏部尚書許瓚率其屬王與齡周鉄許大學士翟
壽廉高私屬事帝方嚮高反責瓚遂與齡等怡大憤
疏奏數千言語語切直具載文集中帝覽疏大怒高又
乘間摘疏中日事禱祀而四方水旱未銷之語以中傷之
詔廷杖下錦衣獄乙巳採真仙言釋之閏月以尚書熊汲
裕管箕仙言復被遠送丁未二殿災又釋之相傳上聞空
中有神語釋三人云三人者御史富平楊爵工部侍郎泰和
劉魁以言同繫者也怡在獄與言心性之學子討論不輟暇則賦
詩往來雖瀕死者數而履險如夷造道益深穆宗改元起故
官未上擢太常少卿候祀獄清當發疏陳新政五事語多刺

太平縣志

卷六 名臣

十一

中貴時近習方導上晏遊由是忤旨出為登萊兵備僉事給
事中岑用賓為怡訟不納改南京國子監司業比丹陽姜寶
為祭酒御史嚴峻怡劾以寬博竝稱得體明年復詔召為太
常少卿提督四裔館未至病卒在途有致仕疏猶謂臣即
死當奮作國家鎮地鬼云怡方介峻潔論事輒義形於色
忘亮天植累躋彌堅海內望之如祥麟威鳳推明正學每言
至誠無息為大宗屋漏不愧為實際諸所建白實皆有本
所著有訥谿文集二十七卷隆慶壬申台臣陳道基等極
專祠祀之神宗三十六年都察院詹沂題請謚典天啟二年
賜謚恭節七年學臣具題代賜守祠生一名

國朝順治二年奉

格

恩詔祭蔭俱准仍舊第二忤格詳宦業忤字存之敦行務本慕

義樂施兄弟間均無愧色

崔惟植號宏菴侍御涯之次子也嘉靖戊午領鄉薦授永州府司理民有冤獄坐重辟植為雪立釋之宦遠蕭斗山倡亂植招其黨吳湖等千餘人復業而罪首遂獲西臺皆曰才全楚徃役悉委裁酌支費繁簡無不允當黃蘄諸衛軍士千餘名侵餉植釐剔之奸弊頓除獲長沙巨盜葛縉民以安枕攝道州篆先是民被水流亡者眾植為招徠安集之捐俸重建周濂溪先生祠盡復其舊址又置田以助祭重刻其文集廣西有豪民聚眾爭湖廣零陵界幾倡亂植不為動俟其忿稍息取其魁而嚴懲之事遂解轉汝寧府同知解組歸置義田以厚族奉先杜門養母桑梓儀型

崔師訓字惟承號宏臺家貧嗜學年十歲夢文王命周公

太平縣志

卷六 名臣

十二

授之易故生平尤深於易初受知於沈蛟門極器重之成萬曆戊戌進士任戶部主事監崇文門稅仁惠及商吏不敢上下其手再監稅易州歲額外溢金萬計吏以應得請殺然曰國家之財絲粟豈宜自私悉簿留公帑清譽騰籍一時有邊關草木知名館閣梅花遜潔之語癸卯典蜀試所取士皆醇正爾雅盛稱得人尋擢山東濟南道副使清介如易州時激揚所及賦吏後先解綬去轉福建福寧道參政巡視海防必親歷其境巡撫欽其廉敏檄攝左布政事以勞卒於官檢遺裝僅數十金所著有大成易旨嘗自識曰余入仕以來毋敢利汚庶幾不悖潔淨之旨又有龍山遺稿若干卷

崔廷健字孟乾萬曆壬辰進士初任行人分校順天鄉闈得

士十人多致尊顯大用卽詔封宗藩貴戚欽服又賜麟衣
寶帶出使朝鮮言論羊采煜煜驚人咸稱真乃天使
比歸競獻碧琳毳四刺都梁繭絹諸珍悉却不受朝廷
嘉其布德宣威有光使命詔封楚皇華一品以昭寵異一
時聲名震動中外維督杭州稅務清僚役弊積高徑以通
國課亦裕尋亡養痾白下時與焦漪園朱蘭峒砥礪聖
學闡發文成良知之旨後任四川道兼攝七篆累官按察
司副使竟以勤勞卒著有皇華集行世

項如皋字孟凱號幾石履齋嫡孫也剛介耐貧喜交遊博
學有時譽習制舉業務從性地尋源本故語出往往見
血誠刻意修行孝友誠篤薪水不充志不挫素不出入公
府然遇事當言輒正襟言之利弊劃然宗禎丙子膺鄉薦

太平縣志

卷六 名臣

十三

越五年庚辰以特用授北刑部福建司主事訓決明敏尤保
護善類嘗奏覆稱旨出滯獄質鼎胡周鼎方孔昭解學
龍虎威大威等二百八十七名武英殿大學士黃道周忤
旨上震怒解學龍等竝以爲與救得罪如皋撰疏草呈三
堂咋舌如皋堅請曰倘聖怒不測皋請當之疏上道周得
釋身尋卒雷縯祚劉理順經紀其喪檢筭中惟銀五兩
敝衣一襲書數卷而已爲之醮賻以殮及同司鍾奇出
差高郵乃以視歸初皋與禁詩有云天上法輪從地
轉人間孽債亦予辜其度量宏遠亦可想見一斑云

國朝初予祀鄉賢

贊曰子朱子于八朝名臣著言行錄求其實之者以名
之而蓋第言名也焦濟南孫德搯諸公侃侃立朝言皆

至道所謂迹異而心同者周恭節具汲黯之忠矢朱雲之
直求之古人中亦不多見高風亮節雖與日月爭光可
也崔副使清介自持項秋曹剛明不阿言行卓卓後先
媲美矣

太平縣志卷之六

宦業

服勞王家績成于業位有崇卑道無廣狹故事後
食職凜承乏來慕去思此邦取法志宦業

宋

李回

徽宗崇寧二年進士建炎四年拜端明殿學士紹興元年奉
知政事自太子勇卒高宗未有後會右僕射范宗尹造膝以
請帝悟詔選太祖後回曰藝祖不以大位私其子於至誠陛
下為天下遠慮合於藝祖可以昭格天命帝遂育太祖後子侂
之子伯琮於官是為存宗

章邦

字子美寶慶丙戌進士歷官鎮江通判有治聲差知常州還
拜侍郎御史彈擊無所避尋出為江西安撫使知江州以

太平縣志

卷六

宦業

十五

忤丁大全解職再詔辭不起祀鄉賢

李材

字達才宣和末金人圍太原材以太學生伏闕上書言三關
四鎮國家根本宜速遣偏師倍道趨鴈門入定宸復忻代
藏石頭關絕虜歸路俾其腹背受敵進退不可不謂攻其
所必救也朝議是之命陳淳武漢英將兵取忻代材叅贊
畫軍五臺山南與粘罕遇軍勢甚盛用材謀終不敢逼既
太原陷居人各保山寨材說其首領約從固守以俟王師之
至建炎初詣行在詔補迪功郎歷治逆安宿松建德等處
四邑所至皆有聲績任終新州通判祀鄉賢

焦煥炎

字晦甫炳炎弟習韜畧嘉定丙子以聲律中秋榜嘉定
二年擢武科第二除閣門舍人兼淮西制司計議拊
督有恩人樂為用差知池州沿江制置奉省劉遜流民

煥炎抗疏止之因陳安集之策民處于垣官主武功大夫知鎮江府與兄弟並祀鄉賢

王三益 嘉定間以文學特授固始縣主簿綜遠庶務凡催科與民酌輕重權緩急推誠置腹誼若家人既免進呼賦役亦不後邑人愛之如父母

明

陳銓 以歲貢任廣東潮州府照磨治事慈而能斷民懷其惠吏畏其威府城外有妖祟出大石每年祀例以人禱否則有大災銓聞之怒命積薪石畔請府印封石虔禱良久火既發雷轟韓石裂震死一巨蟒妖遂除民感之立祠與韓昌黎廟對其聯曰鱉魚精去千年仰韓子之功恆石患除萬代感陳侯之德

太平縣志

卷六 官業

十六

邵道宗 字師魯以鄉薦授新鄭令南滿月以憂歸補樂陵令至則吳橋倉壩暴客出沒乃立保甲保馬法境遂甯世宗

南巡當道妥協濟弓馬糗糧供億浩繁民不病擾調郟城時郟因水患比至即修築沂河馬耳灣等處諸隄障先是馬耳灣下有滙渚神蛟據之屢築屢圮乃備祀祭告有以身死民之語忽風霧中有物飛騰而去遂成沂州壻發郟邑盜賊相繼起監司檄郟令平之即日就道賊隨潰散尋以病劇乞休卒年三十有九初計作宰八年餘在任日不反其半奉檄征討河防等役無虛歲云

焦煜 字伯升嘉靖癸未進士授刑部主事獄決明慎無取干以私歷遷浙江按察司僉事分巡杭嚴金衢嘉湖道所部多白役肆虐盡加裁抑小民獲甦每折獄片言時有青天

神君之謠一月借條佐出有警婦投詞大聲呼孰為佳青天
者同官有愧色海甯鹽池瀕海患潮築石堤七百餘丈立陡
門四以時瀦洩至今賴之事載石塘紀畧尋參議福建杭
人李軼進送竝祀子陵祠所著有鼓缶集

崔錦

號蓮塘嘉靖丁酉舉人任汝州知州汝地平曠鮮溪澗水
多從地出謂之湧泉道路俱塞錦觀風相土為通溝渠
墾地成田版南式為農器控南人放牛籍開田數萬畝
裕用富饒今州前有碑諸鄉有祠癸卯分校所板皆中州
名士龍江沈相公尤其較著者

周恪

字有之號少宰與兄怡俱受學於王龍溪怡以直言予杖
繫獄恪遠省兄內有及母南北奔走無虛日歲怡贈詩有云
鶴駕飛已急鴻雁去還來蓋實紀也嘉靖乙卯由選拔生

太平縣志

卷六 官業

舉於鄉授遂安令多惠政民懷之邑有瀛山書院為朱子
與詹沂之講學處舊址僅存恪重構之延龍溪講學焉
又修麗澤書院以掄文政教大行去之日閭邑請祀於瀛
山書院陞應天司理復調順德清聲懋著遷濟州牧致仕
歸置義田以贖族人初怡以直顯有避人焚草之意恪并其
集行世卒祀遂安名宦

陳宣

字汝化嘉靖甲子乙丑鄉會職捷除德清令至則以郵民
隱興士風為先石梁於北門外萬民以濟民立生祠祀之
任滿陞南戶部主事尋以艱歸服闋轉北戶部主事監收
通州倉運漕隨至隨收旗丁使之督糧姑蘇與王元六劉子
咸張伯起兄弟唱和詩什甚富而震索蕭然還部以諛譎
清源尋徙判汀洲卒於任房師諸大綬為墓誌銘

焦位鑑

字仲明年未弱冠補邑校列賢書高等聞王龍溪錢緒山在浙講新建之學裹糧往師之創臺山精舍與諸生相切劘隆慶戊辰成進士授戶部主事鈎考財賦宿弊以釐改職方巡九門諸羽林材官無敢犯者會新鄭相專恣將以銓曹處鑑急告歸咏詩樂道以終

胡篤卿

字培元萬曆癸未進士歷守漢陽雲南撫州三郡所至政績懋著在雲南時統馭有方黔國薦其才可大用性喜與拔士類當時如易允昌邱兆麟蔡國用俱出其門後以雲南布政司參議致仕素謹厚居鄉卑牧四十年如一日著有徐干軒詩草續自遊言編

方文輝

字光遠性端嚴尚節義博學多識食餼邑庠生重修儒學新啟聖祠與修縣署皆殫心力以歲貢任浙江龍

太平縣志

卷六 官業

十八

游縣教諭初江陵粥鬻天下書院諸生失所道路輿嗟文輝抵任任倡議贖復置義塾嚴督課文教一時(新提督浙江學校副使蕭公雍重之常謂為蓋藉負一時之望模範為多士之宗後年老告歸龍邑士民立祠祀之

方立誠

字濠之性敏博學食餼郡庠萬曆癸巳選貢廷試第一丁酉中順天鄉試以失謁朝貴下第神宗偶清問及之朝貴乃亟除立誠平陽絳州牧多善政輔國中尉朱光霽作詩頌之

李元調

號劬雲萬曆戊戌進士初令奉新下車勸農桑興學校懲奸媚之吏印堯獨之民一時翕然稱賢父母入闈分校所拔悉知名之士人以擬歐陽文忠性簡貴自好不喜媚上官未久掛冠歸士民攀轅泣送數百里不絕

後推陞戶部主事終不起居林下邑宰至自投一刺外從無
干謁歲所入粟無論豐稔糶債一準大熟鄉人歌思之

王綱 字象乾以拔貢中萬曆庚子亞魁初任甯鄉令民慄悍好
訟綱一以平易化之邑年凶苦逋賦綱撫循有術民爭輸不

病司農奏最陞晉州牧晉久缺科名綱置學田贍士多方課
校人文興起民祠祀之後歷陞漢陽守年八十餘未任卒綱
性清介居鄉嚴毅族人咸率其教

王參 字惟贊萬曆己酉舉人初任霍邱諭霍自開國來無起家
經瓶者參督課有方諸生翩翩矯舉陞費邑令當兵

變後民智皆流亡參捐資易牛種墾荒蕪懷定安集民
漸復業游惰不軌者貢之法不時親巡却野鞭撻酗酒六
博之徒境內帖然三年間薦剡十三上偶因搜賊山谷冒

太平縣志

卷六 官業

十九

兩搜疾卒士民哀慕建祠崇祀

程言 字賜伯號笋雲為諸生見時政日非引為己憂天啟丁卯
舉於鄉崇禎癸未成進士選弋陽令值鼎革以母老辭

不赴遯跡林泉終焉初言秉鐸當塗適郡有兵躡畫策
捍禦與守令分當一面彌月南戡隨年飢民大困言設法

請賑頗賴全活以公車去民刻石頌德於學宮釋褐後觀
政兵部擬上時事疏切實指陳反復數千言既知不可為

遂不果上家居與汪尚謙友善睹本色徵糧舊僉民解
胥保盤蠹藏奸表裏侵害解戶徒手賄賂蕩產不足繼

以流亡言力請於邑令鹿兆圖上告兩臺改民解為官解
民乃甦即其宅前葉嶺建紀德亭以誌不朽事詳紀德錄

及尚書龔鼎彝碑記祀忠義祠

胡廷珪

字秉純以明經廷試高等授孝豐司鐸孝豐人

獲雋一時有化雨冰鏡之誦陞平原論甫聞月縣督於

峻諸生曉曉幾貽地方憂廷珪竭力調劑令與士均感

事遂釋令重酬之堅却不受居家甚父老則者請其

而妨於仲廷珪曰苟利兄弟予何有焉卒葬之于一翰

百家貫穿經史品行尤矯有樹云

胡天錫

號睡泉以郡掾選山東單縣尉剛方清敏上官皆知其能
檄令治河河潰決不常前官多引罪去且越境運石費

不貲天錫計易以土築之堅厚歲省帑金若干而河潤安如

時萬眾蟻集酌若疫作天錫本然以捐資財以資其

併諸藥價千金治之以給病者一疋活不可勝數漕河兩臺交

太平縣志

卷六 官業

二十

薦起擢管河同知適以病告休單人祀之名宦

孫正氣

以國子生授寧遠衛經歷新提川兵糧乏鼓噪正氣
單騎撫之諭以利害遂各還伍流寇來攻城守固

督民炊爨以供軍凡數萬人飲人皆如期守陴

盡死力賊穴地以避火炮正氣用被裹硝黃鐵線

之攻者不能避遂退一日大雪寒甚

撲之得一萬三千餘石綜理糧務支放嚴明軍無

仍餘糧二千七百有奇諸凡軍用無不具備

遠通判

道

以歲貢生仕浙江蘭谿縣佐未幾憂歸服闋仍得蘭
谿隨署縣篆多惠政民說之上憲獎其廉以守官

仁能得衆初文昌筮仕夢人授以蘭二本後果符所夢子

必選有文譽清操自夫不苟取與鄉黨以其先世惟賢之
清節期之由選貢授四川興文令行禁止杜絕苞苴初
赴任邑有大憝趙侍於中途謁餽千金必還却弗受因廉
符其積惡狀受毒者百餘家遂收之待百計求解持之愈
急併其家屬十八人胥實之法民心大快擢荆府審理正
隨解組歸

崔環

字中孚號心泉為王龍溪高第雖以諸生入太學銓名

吏部而於執利進取泊如也年五十奉父盤峯命為選
得浙江長興縣丞未至任而盤峯卒聞訃長慟哀毀幾絕
禫除補杭海甯丞謝病不獲乃就戩海甯丞二一戩軍一戩
糧環戩清軍釐奸剔弊洗滯疏寃力請上官除逃亡死
絕軍匠戶籍免追胥勾攝之苦在任三年鞭撻不施軍

太平縣志

卷六

宦業

二十一

民交悅其時有節推宋海甯令郝見環治行嘆為醜儒
厚德遇事艱劇獄疑難輒委聽之兵使者檄下節推問
屬吏賢良節推首以環對郝令薦環于上官則曰持已
分毫無染聽訟原被悉服軍民有不理于案牘者輒禱
告神求委丞環嘗語其妻孥家人曰吾少從先師講性
理主於不自欺其心今為吾親捧檄清夜自問亦惟不欺
二字爾曹各勉守清苦以葆吾素未幾有達官索環保
陞環不應左遷楚雄典寶正環遂掛冠歸節推亦治
令郝感祖餞涕泣訣別軍民紳耆焚香遮道祖送者百
里不絕歿後從姪按察副使廷健約其平生宦業刊
家譜以式後人

國朝

崔瑤

字玉及大參師訓從子也父逢晉才學敏贍早歲受知於熊芝岡數奇不售遂閉戶課子瑤慧秀絕倫順治甲午舉於鄉授襄陽令除宿弊懲胥吏減耗息訟興學勸農治績稱最時軍需叢急倉卒立辦地方賴以安靖瑤心存正直人不敢干以私適民有妖祟驅之不得訴於瑤瑤移牒城隍自責責神是夕妖竟絕邑咸謂正直所感

陳兆昇

字爾旭岐嶷卓犖篤於孝友嘗受業於沈耕巖弱齡補博士弟子員耕巖蒙難兆昇走數千里迎之歸施愚山侍講擬之馬時中之於程伊川康熙甲辰以明經任雲南碭嘉令矜士朴民悍兆昇課士以詩書治民恩法並用置鏡潛革其地宅舍皆竹籬蓬戶莫蔽風雨兆昇令善版築者教以術民樂安堵又開墾荒土利益甚宏考績最末幾卒

太平縣志

卷六 官業

二十二

涇上胡副使尚衡為作傳

焦鵬

字扶九幼聰慧七歲能作隸書大字偶過市設案邀之鵬振筆疾書觀者如堵長益工每一紙出人競寶之辛卯恩拔考授新城令新城地當孔道又值時軍興旁午供億浩繁鵬一身任之不使擾民因積勞成疾卒囊橐蕭然邑人賻殮其喪歸

譚啟運

字翼之以歲貢生任甯波府別駕司水衡倉庾鹺政疏浚防潰釐剔給辦灌輸平準職以竝舉奉檄督修家邑城經營有方役成而不愆於素蛟門置砲臺責里甲營之運石江干役號最艱豪有力者每多方乞免啟運屢乞之親督其役既成沿江屹如崇墉兩署鄞篆當羽書營卒悍民困歲役疲啟運精計籌畫軍需無缺卒無

譁於是方伯推啟運摠十一郡餉事事無不治郡紳范廷元史大成稱其器量深毅才量敏贍歡戚不形於色嘖笑不苟於人諾所辱畫皆求濟於實而能深中閤左之情仕終茶陵知州

周光啟

字旭上甫十歲已蘄然出頭角博學工書手抄日可二萬言性孝親疾夜宿寤前疏神祈代順治丁酉領鄉

薦戊戌

御試第四居鄉絕請託過公事輒憤發無少避

時獄訟徭役多不平人心惴惴光啟獨投牒請讓斷法者意沮康熙十九年授遂安令甫下車裁額外征三千兩邑輸課每兩贏五分光啟曰積而計之勝等乎悉車之歲減羨餘五千兩民困大蘇未幾染疾士民倉皇祈禱死之日號哭罷市欵贖以助殯與其曾叔祖恪竝祀瀛山

太平縣志

卷六 宦業

二十三

書院所著有鳴竹軒集

王應臣

貢生初任曲江丞順治四年 王師入粵副將楊大福狗高雷廉等州用應臣為鄉導宣布威德至皆下隨陞普

甯令當城邑初定士女被掠甚慘臣設計贖歸難民一百八十餘家蠲除雜徭民慶更生既而請老民如失慈母為樹碑紀其政少宰李公士瀉叙其事

焦鼎

號玉屏以明經選沂州同知適地震城屋傾塌死傷萬計首議捐俸賑之沂人感焉陞任秦州值戎事倥偬悉力籌畫軍需無闕西臺服其強幹竝加優獎未幾謝病歸孝事繼母年雖邁率妻譚定省如禮

胡嘉生

字會伯庠貢生授武岡州佐約己愛民奉法最謹徵收秋米盡除耗羨解餉雲南勤績甚著蒞任七載未嘗

一事侵州牧一文累州民因老病致仕歸

林翹

字楚惟資京穎異嗜學攻苦每忘寒暑善屬文洋洋千言下筆立就康熙丙午領鄉薦秉鐸向曲程文砥道課士

有方適歲饑士有糶殮不給者翹減俸贍之辛酉聘分浙闈

薦拔得人大宗伯蔡升元俱門下士也擢福建平和令民多積

逋悉代輸之民號慈父以年老解組歸在句容時著有鐸言上

下卷以勗士蔡宗伯復為刊版行世

胡文煥

字星若嘉生長子也康熙乙卯舉於鄉考授內閣中書改知山西大寧縣大寧土瘠民負耗最重且多陋規文煥悉

除之省催科勤聽斷廣置義田六百畝以遺民民戴其德署隰

州家慎勤慈惠一如治大寧念州少科名相城東隅建文昌

樓士果獲雋民立祠祀之公餘手不釋卷所著有卧岡集返觀

太平縣志

卷六 宦業

二十四

集行世

程宏超

字班業進士言之孫由廩貢任虹縣教諭嚴正負氣節幼為祖所器課弟繩武德業並懋時人擬之陳元芳及任虹造

士一循軌度值歲荒同領州牧陳九陞捐俸賑飢民戴其德

陳書

字獻惟力學能文尤諳韜畧弱冠入邑庠康熙戊午王師克復滇黔書挾策謁征南大將軍穆公多所贊畫隨以遊

薦授湖廣江華令至則修濬城池安輯百姓辦理軍需咸有

方畧調雲南定遠考最當遷士民詣憲乞留二十年撫軍王

公薦其才可大用擢署曲靖同知時郡縣多故詞發多言

割撥煩劇不遺餘力年三十五卒未竟其志時論惜之

程繩武

字念孚號敬菴言之孫康熙庚辰進士仕順天文安令性廉材敏初下車應童子試者僅百數十人繩武力崇

學校建義塾暇則親詣課督民爭向學尋至千餘人邑有蝗災絕武巡壟畔晝夜焚捕稼以不害康熙五十四年攝篆保定值河口驟決絕武捐俸築之宿食河干時海暑歇蒸日幾失明齋戒撰文泣禱於神至以死誓越翼日波平決塞瀕水居者萬家得免濫瀆事詳文邑志居官九載以母年高解組歸邑養無間四方就正者履常滿有還讀齋文集行世

程耀先以副貢生仕英山教諭英僻山陬科名久歇耀先詢知學宜與縣詳請上憲報可竭力捐俸繕成其表英士尋獲掄魁咸感悅之

胡柏齡字堅仲家貧力學康熙丙子領鄉薦授福建武平令武

太平縣志

卷六 官業

二十五

邑好訟輕生柏齡剴切理論積習以改雍正四年歲飢申請發倉減糶民以不病次年又飢奉文採買平糶轉解千里不辭勞瘁民立生祠祀之既因領帑米水濕賤糶虧官坐免民爭義助之尋得釋家居數載卒著有太極圖補註一編

湯廷鳳

字九儀父其樂邑廩生有學行廷鳳幼受庭訓噪名鄉

叔雍正己酉膺選板

廷試高等授句容縣佐廉謹供

職隨署縣篆復署南匯縣篆南民有辜姓訐控李姓延案數年獄幾滿廷鳳至廉得其實懲辜直李立出之合邑頌神明後卒於官士民賻之歸葬惟有琴書隨櫬他無長物

崔銑

字冕先以鄉薦仕建安令邑莖牛有稅民憚其費耕種

乏資銑首除之田功大闢編審曩苦私派銑盡革之民紀德齊碑邑有朱子家廟頌祀已久銑葺之復其舊涖官六載

廉明愷悌士民愛戴以母憂歸越三年值銑壽紳士制衣錦走數千里來祝初銑母病於家銑常夢寐悲號未幾果訃至服除應補官銑不行人競勸之謝以詩曰生前缺問視死後思蒸嘗迂僻任何益不如守墓旁其高風純孝有如此

崔雲龍

字雨蒼邑增生雍正六年以孝友端方薦知浙江諸暨縣

清獄訟建義學捐俸代完逋賦兼攝海鹽修石塘垂成調海甯時塘工方興悉心規畫焚劇胥治邑有湖田額不便民龍雲詳請照民田定課宿累頓竭丁艱服闋歷署南河各屬事陞運河通判卒于官

江朝佐

由供事選陝西大通驛丞以諳練誠實委辦沙瓜二洲城工事竣調西寧道老雅驛兼理屯民時澤旺蠶動大兵出口節奉憲委協辦西寧碾伯二縣供應蒭糧及催趨押

太平縣志

卷六 官業

二十六

運依限奉公十年毫無違誤叙功遷浙太平尉先是京師

有太平會館遭豪強佔據朝佐同邑人孫秉政余文聚等控

京兆得復舊業

張鍾琬

字石涯乾隆丁丑進士知河南武安縣俗悍喜佩刀鬪輒

中重傷鍾琬下車日痛懲惡少年五人始震懾又娶不避同姓父母喪婚嫁自若鍾琬教以禮義俗漸革其他免車役減官煤牲畜稅善政甚多卒官歸櫬日士民焚香

泣送邯鄲境

張鍾玘

字藍園張應榜子少孤伯父應棫含淚而教益自奮勵

弱冠有文譽尤工詩賦太守黃公叔琪選敬亭十子文

皆老宿玘以年少與焉主申

恩科舉人會試屢薦不售分

發雲南任江川縣令以慈惠得民獄訟稀少日與士子講學

課文親如父子以緬匪擾邊協辦兵差受烟瘴而卒江川祠祀之

程立本

字聖淵由附生保舉任吳縣訓導陞梓潼縣令署劍州知州事初梓邑久歇科名立本甫下車勸士民力田力學修文廟樹文峯慨然捐廉為倡紳士贊成其美是科士果掄魁尋復絡繹不絕居任十二年善政最著以年老致仕歸梓民思之請祀名宦

崔肯堂

字孝舒少失怙事繼母至孝外和內介不可以非礼干任浙梁湖巡司民有爭訟者餽以金堅却之卒令兩家和好梁湖范太史表稱其廉能仁愛後署蕭山縣丞一如梁湖秩滿擬陞以母年高乞歸終養臨行民皆焚餼送中途資斧不給賣所乘輿徒步歸從者苦之肯堂恬如也一時

太平縣志

卷六 官業

二十七

廉善之名布於遠近歸里六載卒

項震

字雲成讀書能文事親孝兄早亡事孀嫂如母由中書授直隸完縣令完地凋敝震減耗省刑民賴以生鄰民有孤子陳吉被盜誣扳幾成枉獄震廉之以雪其冤治績屢著陞山西大同府同知大同近邊多盜抵任加意撫綏兼勤弭緝境內肅然安堵致政家居律身嚴正非公不入縣庭族有爭訟剴切導解之守令並敬重焉西與賓筵郡侯杜贈以額德望

崇隆

贊曰毛珩典選惟取清正葉馬對君不外公忠臣之
事君也但期無負此心心乎國則業在國心乎民
則業在民矣其或位卑不得為要自有報稱不苟
者在自宋迄今名流輩出建一言舉一事每去後

思之以為美談鄉先生歿而可祭于社其所樹立使然也
官而有業業即以官傳嗚呼豈不偉哉

太平縣志

卷六 官業

太平縣志卷之六

儒林

儒以道得詎易為林履之務實造之欲深是曰踐迹展也
得心志列于目史法可尋志儒林

明

譚潛字見之號仰松正德庚辰進士少從湛甘泉與子質厚志篤甘
泉甚器之任嶧縣令惠而能斷寬不貸奸明不盡隱令行政
舉大吏有不便其所為者即謝事歸以古道約鄉人人皆敬
信之又求友於四方與鄒東廓王龍溪互相切磋聯邑之俊
月會於東嶽聯六邑之俊歲會於水西又以其餘力會新安
同志於歛斗山祁東山虛己聚善四方聞者莫不風動而興
起湛甘泉稱其澄不加清撓而不濁周訥谿稱其有志於聖

太平縣志

卷六 儒林

二十九

矩而無求無忝於所生講明聖學實為傑出云

杜質字惟誠號了齋少補諸生從錢緒山王龍溪遊多所指授
家甚貧浩歌自如鄒頴泉視學東魯重其德望聘主講席
時張江陵禁道學質聞之曰彼禁偽耳吾自真也但易其
名為申明鄉約講勿報一以至誠相感發滿座改容四方學
者皆稱杜宛陵著有明德經學行世卒祀鄉賢

王璽字信之號心印弱冠遊太學師事社了齋了齋之師責

受軒鄒東廓高弟也楚人李知吾與了齋會於九華講論多
不合了齋不辨歸示門人曰性命之學果有透悟自有真與假
藥與意興別聖狂所由分也講下獨璽能領受嘗於會中
指點同志曰吾輩毋事空談要實實從視聽言動處體認
本體現前視聽言動自無非禮矣爾時太邑有丹臺會東華

會九龍會拾一會涇川有赤山會水西會旌邑有旌陽會宣
邑有西門會石邑有陵陽會青邑有九華會留都有羅公祠
會皆推聖主盟折衷學脈仕紳如祝無功焦漪園徐薦所
蕭慕渠畢心坡蕭若拙等皆從之遊弟子受業者凡數百人
邑令許光祚贈額曰孔孟真傳張時泰復贈額曰理學名儒
周可宗字子善號如仙質性醇篤總角時即謹守禮容從伯父
恭節公每奇之稍長隨父赴任唐藩王召試以學者須識時
論振筆立就王大異之欲尚以郡主堅以有室辭長入邑庠
庠師王一貫授王心齋學轉授可宗體認親切砥行甚力雖
閤室不欺王嘗語之曰識得破三字終身受用不盡可宗服膺
不忘嘗曰人之不能上達只為財色名勢諸欲擾之過一生耳
故最愛濂溪一者無欲之語又謂邵堯夫得易之精蘊手錄

太平縣志

卷六 儒林

擊壤集出入必俱自言憂藉之憚倦藉之安冗藉之閒紛藉
之定病藉之起有不知其然而然者他善行未易殫述納言涇上
趙健為作墓誌銘

國朝初請祀鄉賢

邵汝行字季躬號果齋父早世事母孝侍疾尤謹伯兄病疫家人
避之汝行獨為調護不去幼嗜遊學於松陵陽諸會四方學者
任出資為五松陵陽諸會四方學者唐集時新安大會延焦
澹園主講壇汝行針芥投合及歸道經仙源復請開講於周
恭節祠挾疑送難聚連昕夕明年遂挈次子樸元從與之樸元
舉戊午孝廉以學行世其家

注有源字惟清少酷貧廢學年十三受業杜未川誦孝弟章
喜謂孝弟吾分內事杜教為曰孺子便作身心語真可誦學

携赴五松書院師祁門陳九龍受羅盱江集有得與宣城施宏猷聯集同仁會有陳門顏曾之目居母憂未毀骨立尋居維揚起十州縣大會在金陵數至陽明祠與焦澹園周海門鄒南阜楊須所高景遠往復會講其學以復還本體為宗詞色冲然平易近人來學者無賢愚皆嘉與之人人以為坐春風中法賴其再振至今誦述詞績不絕晚歲於邑中結歸源會為誘後進又常居宣之雲山堯九龍傳經臺在焉學者稱崑一先生年八十卒葬九龍墓側

三言字訥御篤志儒修性恬澹家無宿舂晏如也嘗設教景皇寺深薄末俗語言文字之學志正學者聞風而至石邑舉尚書鏘涇邑查副使鐸皆其所造就也以拔貢教授鳳陽與學調蒲圻縣佐所至以講學為事歷著賢聲

太平縣志

卷六 儒林

三十一

周志乾字釀元少孤貧勵志力行嘗言入聖賢學須靜悟為要居恒常嘿坐靜認有所得則欣然汲引來學每遇人善樂道不置性寡營求一切世味皆屏謝惟倚授徒自贍然辭多就約取足供朝夕而止晚年每與同志信宿談心稿數椽題曰止園邑中理學一脈自周如仙後人共推釀元云

胡嘉亨字汝通讀書尚實行不屑為科舉之學羅盱江守郡額其堂曰清白先生因號清所少孤事兄如嚴父年二十八失偶遂不娶潛心理學與周可宗友善建拾一會以講學又建祠祀境內諸媛之節烈者皆與可宗輩為倡和無位而民信之質成者不之官而之亨者有家世貽範一編子之瑗庠生講學力行能繼父緒外恂恂若不勝衣而義所不可確乎不板先是節烈祠雖建未列祀典瑗偕眾請於縣春秋與亨子著

為令兄治遺孤病危夜叩北辰請已子代徵君沈壽民為之傳
周萬年字世德基節適曾孫補邑弟子員惟以誌先業明古學
為己任居家孝友事異母無間言修舉拾一會與友人言心性
之學時學宮久失葺請修復如制創鄉約所建節烈祠凡可
以裨益教化者必力振興之滇南陶水部洪應以舉賢良方正
辭勿就研心道要不少戰後疾劇凡問視者猶必因其人以
學問相規勸灌之若干生無一語他及徵君沈壽民為之傳
國朝初請祀鄉賢

杜應成字曰人邑庠生博學多識與其族兄應理合志躬修
以講明理學為務陵立松九龍天柱諸會應為成與馬諳
諳道誘靡不曲至所著書最甚多如四書周易竊撰尤
能闡明聖道又倡設家教每朔望集族子弟拜祖畢發

太平縣志

卷六 儒林

三十二

明六條登記是非又設立義倉夏貸秋收貧乏均濟以
居隔數里互為請益往返不倦應理字伯明人亦儒林
林畢司徒鐸敬其品延於家子若孫俱北面事之今兩人請
孫兢兢家學猶如出一轍

張良翰少補諸生厭為科舉之學惟講論道德詩與書
徘徊嘯咏於泉石間理義尚訂務底至是時地僻
博文約禮之旨開講天柱書舍良翰裹糲共學無虛居
實踐久之理事無忤同人周萬年杜應成等推為主盟

胡大任邑庠生篤志理學五松陵陽諸會辯問最多
敬為務雖晏居未嘗苟言笑待父母疾衣不解帶居平
子姪讀書身體力行務求心得不專事文藝疾革長子曰
吾學問頗有主張惜未拓大耳其考驗之精如此長子庠

生乾取予不苟班賢勤學皆其素訓云

邵樸元字鎮之父汝行精心理學與周海門耿天臺焦漪園友並
踰冠後即挈至之金陵從漪園游洞悉濂洛關閩之精義戊
午登賢書次年設教於耿氏黃之人士多宗之江右學使者
蔡雲怡與南康司理錢沃心開講白鹿洞迎樸元主席於朱
陸遺緒多所剖決聞者恆志家居奉親備極色養時詔求
異才南尚書徐石麟薦爲之勸駕急終以親老辭不就匿隱
曾家山中種茶藝蔬每與後進談學終日無倦丁卯飢有
石邑民以婢女誘高女暗泣不已詢之言鬱南我者夫也有兩
歲孩未離乳是以泣即呼其夫至還原券遣之歸

邵士元字如心邑庠生少壯即以文行著祖蔭受業鄒東廓
錢緒山之門競守先訓克己不倦鄉有五松院為講學會

太平縣志

卷六 儒林

三十三

所捐田十畝以助六邑同仁大會之費本族丁禮必助之完給
又力行鄉約申嚴無作非為一條鄉黨間有匪人聞其名輒
縮首求改過後會所私祀皆稱曰如心夫子

崔師訓字惟承號宏臺性剛介學主無欺少為諸生即毅然以
崇正學排異端為己任萬曆戊戌成進士以父喪還歸讀禮營
厝於祖墳獅山之麓依棺廬墓哭聲震林木遠近趨視者
莫不流涕族兄某詣唁詩有荒郊多雨雪血淚盡冰霜之句
服闋詔就部職又越三年歲癸卯典試蜀闈恐蜀人龍衣支林
高坐之談論勉以規矩準繩而戒其毋為老佛之所惑與
人談論古今人物嘗謂司馬溫公忠誠信於華夏楊柏起暮
夜却金非主敬存誠具有腳踏實地本領未易及此平生學
不干仕仕不廢學蓋自六經子史律歷兵刑山經地志以及百

家之書無不洞究其蘊而尤精於易著有易旨四卷明參議
汝亨稱為大成

國朝朱彝尊撰入經義考謂能詳人之所畧又著有性理大全龍
山遺稿行世是其學品精醇尤堪為士林楷式嘉慶十三年重
修郡邑志合郡紳士公請補載云

汪尚謙號敬齋邑廩生裕經濟尚節義以伊志願學自期嘗
手訂易經秘旨一書為四方名流所珍崇禎辛巳刑部主事
項如臯以賢良方正請疏薦巡按御史劉應祥又疏薦之尋下
詔徵辟者再征應氣不果行因作歌曰悲生辰兮我躬不穀
悼時會兮憂世虞賦流水兮以逃虛兮跡槃澗之過軸登
高山以遺榮兮羨薇蕨之芳馥鼎革後獨居小樓几上置文
山疊山二集外無他冊人不得面晤者二十有五載里人常言

太平縣志

卷六 儒林

三十四

尚謙有狂徒頻來謁至則登樓或泣或歌流連晨夕而後去狂
徒者沈徵君壽民也讀予壽民為作墓誌銘歲猶一至省其墓
王伯虎元人字君佐有志正道築室陵陽山仙人峯下默坐研精程
朱理蘊久之恍然自得曰正學在是也又曰取武書而讀之雖
百家異說無不研究故其學特邃際一再為池之名儒公之
臨海教諭延裕間授處之石門洞書院山長比其後以
白衣入秘書與編大一統志書成將官之印棄去大德丁未郡
大飢出米賑飢應格當得官亦不取性至孝母病推誠告
天乞代母病果愈是產於庭人以為孝感宗族姻黨艱衣
食者時濟之穀貴必損值以售鄰里有不能償者積歲久
會親友焚其券今歷數世里人猶傳頌之

盛

彥字子美號橙峯性穎悟督學胡公刊其試藝為南士式

嘗講學於東嶽觀性命之旨多所發明萬曆癸酉春歲薦
廷試不就戕畢松坡尚書勸其仕以親年老辭及父南岡歿
仕桐城司訓清介有聲庠序月課得吳應賓卷大加獎賞吳
果入詞館上憲重其學行交口稱之序平生為學以沉潛篤
實為主視名利泊如也餘詳浙江副使涇邑查緝行狀學院
謝公廷傑贈以儒宗額

杜起龍字柱伯號圓礪嚴氣正性克勵矜修幼習舉子業以
孔孟遺訓自箴館九龍從了齋先生遊誦明聖道錢緒山
王龍溪多所指授身體力行稍有疑似沉思研慮務為心得
乃已每值朔望集族子弟發明理義以還復本體為要無論
賢愚莫不欽容折節孝廉邵鎮之嘗稱其有功聖學

以上三名補舊遺

太平縣志

卷六 儒林

國朝

胡泉字白水號松巖性端嚴植品不隨流俗交遊徧海內如周鹿
溪黃石齋劉念臺張天如楊維斗皆友善士之學於其廬
者至不能容幼失怙事母極孝昆季問問如也初及生而
自異不伍羣兒入塾歸所誦必默習之途有問者弗省人
皆笑其騷及長入庠走白嶽問業金正希學益進時傳陽明
學者作四書辯非程朱泉更作四書辯辯與訂是二書羽翼
經傳實聖學之干城云

周元錡字薦可號介堂恭節六世孫也嚴毅方正不苟言笑終日
端坐如木偶人雖盛夏不袒裸居常謂士莫貴於知恥知恥
如水之有防不致浸溢何有崩潰其又充積之自能不為不
義屈矣家居闔閭起凡公門賓餞外不一至出其門者多

端士年踰八旬以明經老

張應榜字是一生有夙志篤志經學敦行不怠富於著述督
學李公鳳春郡守故公叔琪交薦之以親老固辭生平窮
理稽古務求心得有疑義輒危坐達旦冰釋乃喜中年
遂染疾又值父病數月不解衣帶嘔血卒

湯友信字景范號誠齋姿穎絕人早食餽邑庠祖士貞父表立
俱學行兼優信遵祖父庭訓潛心力學務以踐履篤實為
要遠近學者從遊日衆雍正四年大學士孫公嘉銓滄以
人品端方保舉河西令旋補浙江嘉興令政尚寬厚民多感
化平生為學剖晰濂洛闡閩流著有學庸口義易經集
解朱子四書或問記疑及四書典故等書張儀封大宗伯稱為
理學正宗

太平縣志

卷六 儒林

三十六

胡士傑字漢三號筠麓邑廩生少穎悟好學醞釀深厚工詩古
文詞下筆頃刻數千言立就督學孫姚鄭諸公皆目為國士
纂有史漢唐宋八大家文悉摘幽摠粹尤研精宋五子之書
沉潛體玩躬行實踐持身按物以不欺為主河南巡撫胡公
寶瓌額贈篆造自得子碧嶠邑庠生亦刻苦力學餘詳郡志
贊曰通乎天地人曰儒史傳儒林大都修儒行以維道統者
也邑自王龍溪錢緒山鄒東廓講明正學得其傳者嚴駸
企伊洛之風扶源揚波而貞之為教筆之為書其無款於
手記之言儒行可知也譚仰松杜子齋而外王心印蔚起于
前張廷一接踵于後學有淵源其亦可以弗畔矣夫

忠節

策名委質道在致身見危授命取義成仁精貫日月志
泣鬼神疾風勁草彪炳丹青志忠節

宋

王行之字材仲少補上庠恩奏授迪功郎司婺州士曹宣和三年
方臘黨寇婺蘭溪吳邦彥應之守臣皆遁行之曰吾獄官也
分當死職遂遇害事聞贈通直郎官其子一人祀鄉賢祠

明

汪文炳字丙叔常從汪澤民遊明興隨撫諭官孫炎入覲授秘書
典籤講解稱上意陞都昌令時陳友諒居江西擁眾來攻援
絕被執賊奇其才欲官之不受抗言而死

胡泰亨字仕通明太祖為吳王時充貢補進士任庫官隨乞養
太平縣志 卷六 忠節 三十七

親予歸洪武初召至京師答聖制十二條上嘉納之未幾兄臨
亨犯法當死泰亨以兄未有子出揭請代當路難之乃泣籲曰
國法固不可移若代者甘死於法益嚴重奏入以義免刑一耳
遣戍從征滇南錄功授同知以疾歸永樂間安南叛取朝
議用邊處舊吏乃起用泰亨至境未幾寇圍城急泰亨曰
賊勢如此當急遣人潛出請救僉曰才智無踰君者泰亨慨
然請行夜出城百餘里為賊伏兵所執搜之得請救書歸之
降不屈遂被害賊義之歸其尸祀忠義祠

張懿本新安人任陝西徽州牧弟奉任梧州府別駕同官建文時
見朝政紛紜燕藩萌異志遂兄弟棄官相宅堯塢越二年間
建文崩成祖即位懿衣麻衣設位哭臨自是唯銀戶養母母
病有感雷裂石泉之異郡伯宋獻最敬之子孫因家于太乾

隆二十二年崇祀忠孝祠 從前志隱逸門改入

王一斌崇禎庚辰武進士素嫻經綸敦氣節福王監國我

大清兵連破李自成朝議遣兵部右侍郎左懋第與左都督陳

宏範通好一斌以遊擊從行十月入都門館之鴻臚寺懋第率

衆陳太宰於旅所哭奠懷宗即以是月二十八日遣還宏範乃

請身赴江南招諸將劉澤清等降附而留懋第等勿遣於是

自滄洲進還改館太醫院明年六月聞應天失守懋第與左

懋第等曰不降死是日忽風沙四起捲布棚於屋際屋瓦

皆飛乾隆間入忠臣廟邑祀忠義祠

崔騰鯉家貧力學事寡母至孝崇禎末以明經為松江府司訓

勤課業端行誼士習翕然不變文福王監國

王師下松江有大吏七人皆勸騰鯉遠不敵因各投其印於騰

太平縣志

置印於明倫堂朝服率子孫往謝恩畢端立以待俄被執

主將高其節謂曰汝順命七印惟所擇騰鯉曰吾所以不去

非守印也直守死耳固說之終不屈與其子孫生於世

定後庠士送其尸歸

陳易字有功以字行工書善詩少從父遊河南藩邸識內院

聲甚加賞契崇正丁丑武進士授杭州守備忤權要歸

二十金陵陷閩休甯左僉都御史金聲糾聚義兵合聲通表唐王授副

黃山分兵阮六嶺有功遂糾集義兵合聲通表唐王授副

將拔旌德甯國諸縣攻石埭陷陣死聲為文祭之 通鑑輯覽

謹按

欽定勝朝殉節諸臣錄
賜通諡節愍祀忠義祠

孫大錡明末由禮部儒士仕羅田縣巡檢守要寨流賊攻之不克圍之久終不降食盡而死逾年家人始聞變往收其尸白骨編塞內外肩上有擊巡檢篆者乃載以歸

崔字義字宜也善書畫業儒不就由掾吏仕湖廣鄆縣尉崇禎十六年春李自成陷承天旁掠州縣城破被殺妻胡氏其幼子扶視歸

張字豹字炳文崇禎百武舉人初力巡撫麾下以材勇聞後歸值左僉都御史金聲起義績溪豹與陳有功應之有功戰死石埭廷豹退保密巖關關破死

牛論以材官事左公懋第甲申之秋公奉使論隨行十月劄授把總十二月劄授千總乙酉夏劄授都司左公懋第嘗謂人曰如論者技勇兼人從行最久勤勞不怠忠義愈堅誠不可多

太平縣志

卷六 忠節

三十九

得閏六月左公及王劉諸公即義論亦自剄死從行者携其劄歸標判皆用藍左公有母憂故也祀忠義祠

譚學鵠監生為山東嶧縣主簿崇禎壬午二月我

大清兵趨曹濮山東州縣相繼下嶧陽被兵學鵠死之

王文亮任千總崇禎庚午從劉協理勦賊戰歿

王六郎慷慨重大節與弟伯子鍵戶共讀伯子南遊庠懷宗殉

國六郎聞不食數日不死乃圖興復服白衣冠朝夕為位

奠天越明年五月福王出走六郎與金聲合謀起事聲敗

逮問六郎終不屈與伯子同引頸受戮妻杜氏亦以節烈

顯

贊曰子之能仕父教之忠策名委質貳乃辟也顧常則以不虧其節為忠變則以必效其忠為節所遇雖殊而盡道則一

諸君子遭寇氛之擾當國步之更而能為孤城誓保障
為萬古植綱常至于捐軀殞命而不悔大節凜凜與黃
嶽齊高矣若陳有功王六郎雖有吠堯之嫌尚切輔韓
之志為書之以愧天下之為人臣而懷二心者

太平縣志卷之六

孝義

大哉孝乎天經地義和順因心而生友悌通於神明格及庶類人在道中萬邦以治志孝義第二十四

明

方必通

字百里幼就外傳傳問為學何先對曰事父母為先年十五父疾且劇中夜跪禱剝股投藥以進尋愈未幾父卒哀毀過常既葬遂廬於墓側三年於第姪篤愛財產義不自私以禮讓親遜教族人又出多金倡修學宮捐米以賑飢民嘗建三思橋於縣治西街時有兄弟爭訟者過此必通諭之悔悟而返詳豐城劉汝介記年九十餘卒祀郡孝子祠國朝祀忠義祠

太平縣志

卷六

孝義

四十一

林桂芳

少補學生有聲黌序嘉靖間父倬卒於官泣血千里扶柩歸中途遇賊劫其母桂芳以手翼之賊斬其指而亡母得免祀郡孝子祠

李廷材

邑庠生與其兄廷相弟廷桂五世同爨累百餘口家政肅然里閭稱義門

杜克容

五歲喪父母陳守志容朝夕侍養最謹母年七十二病危容割左股調粥以進母病頓痊踰三年乃歿哀戚盡禮終喪不入寢室邑令朱守為徐蘭芳先後以母節子孝申請撫按兩臺疊以羊酒獎勞之

孫時潤

邑庠生好古篤行執母喪廬墓三年哀慟之聲聞者酸鼻後其叔分負無子援立為繼甘讓己產於兄弟眾皆難之

焦守勅 性至孝父錫老乍貧不堪粗糲勅自傭保於人得值日市酒肉供不闕錫有所嗜必力致之病視湯藥旦夕不離卧所錫不能轉側便溺皆手承之祀郡孝子祠

周和生 家居政孝友慎取與重然諾當明中葉官糧民解悞公者死時和生兄弟當應役有弟二爭欲往和曰弟等俱未有子予已生一子矣義當往卒戮於官時人義而哀之

國朝祀忠義祠

王興宗 性仁孝生數歲父往遼東久不歸興宗思置不置未弱冠遂獨行尋之比至父已歿日夜哀號求其骸骨不得忽遇

一老人授以一齒一傘曰兒當速歸余亦偕行言畢不見審視傘衣有仙源市號遂奉以旋里裹以文繡藏諸棺而瘞之

林文榜 萬曆三十五年鄉有水患父宗倫被溺文榜慘迫從樓太平縣志 卷六 孝義 四十二

上躍下援父不獲與父同殞妻鄭氏守志養姑教子林大臺成武進士祀郡孝子祠

焦文治 少孤而貧冬月常自解衣以煖母母憐之輒自用力任勞使汗流浹背以示母無寒意母疾危無神不禱并夜禱於父

墓遂念時人以為誠格年八十餘足跡未嘗踰里門巡按田公採訪耆德天啟元年奉詔額旌曰恩旌善良

章克仁 邑庠生天性孝友不苟取予居喪哀毀盡禮廬墓三年涕淚着樹隧柏為枯待兄弟尤友愛里人慕之

孫世賢 父客死燕邸徒跣扶柩歸晝夜呼愴族人為葺數椽廬之虎跑其側不色動廬傍忽涌甘泉既三歲或勸之歸

泣曰礼未葬不變服吾何歸乎迨墓乃返 卅歲甲申聞懷宗殉國痛哭仆地嘔血數升鼎革遂佯狂不出冠內

時時戴明神宗憲宗懷宗三朝錢各一居常面牆而泣縣延之鄉賢賓逃匿佛龕中以免邑令鹿匾曰忠孝鴻儒祀郡孝子祠邑忠義祠

汪元法

字士式父喪廬墓三年旦晚悲號行道感泣子權樞竝以孝著崇禎朝事上聞詔錫父子純孝額以旌之進士

程言為作合傳詳其事

王武

素謹厚有祖墓為遠鄰所侵武掃墓得盜壙欲鳴還未幾盜壙之家率數百人持械來格鬪武身被十餘鎗傷殘最慘眾哀之武曰吾生平與物無忤惟恐傷先人遺體今乃為先人死死固無憾遂卒時有司顛倒曲直將枉王氏以極刑族有世珮慷慨不屈筆楚慘酷卒不易辭遣戍處州族又有世吉時膳憤甚乃相約叩闕密書冤狀於裡之同自劓於

太平縣志

卷六 孝義

四十三

關下巡城御史馬呈圖孫維城以是日星變具疏直奏二冤狀奉旨着三法司從公究問明白具奏奇冤乃雪祖墓宗族得保無恙世珮亦得放還

王大黑

生而穎異甫總角母查病篤大黑悲憂甚慘自為文禱神祈代是日大黑無病而卒母竟以進

國朝

崔芹芳

字和生父大鵬叔大鷄早卒遺孤維國甲申乙酉間里

有奸民煽禍都督于公帥兵掩捕誤執維國鵬不忍孤姪就戮挺身代之因釋國執鵬芹芳聞知急赴軍門求代麾

下挾刃阻之芹芳呼號遭捶擊幾死于公啟訊之備陳苦情

公改容曰烏有存義之而不從逆者乎俱釋之後又及三

廬墓三年荅城大宗伯真表為之傳

張羽 邑庠生家世貧伯父艱於嗣羽甫生伯母牛氏抱育焉年十六補邑校順治己亥秋邑有兵躡羽妻江氏以姑命携幼子竄去時牛氏年老疾篤羽不身晝夜持扶月餘兵解病益劇隨卒羽號踊欲絕既殯卜塋西郊結廬墓側事之如存每風淒雨晦哀號徹野聞者感泣祀忠義祠

周之期 字君昌家貧父瞽左右扶持十四年不倦迨父兄繼歿貧益甚竭力奉母孀嫂孤姪俱仰養殯因焦苦病失血歲甲申邑有兵燹居民咸逃之期令家人先自負老母行血吐不止且吐且負走二十餘里俱得全血亦不復吐若有默相之者生平正身以率族人獎善釋爭興文勸學年八十二卒祀忠義祠

項若麟 父伊敦孝友教以義方若麟幼有至性族伯秋曹如臯深器之及長補邑校家貧授徒養親每食必市甘脆以進母歿太平縣志 卷六 孝義 四十四

哀毀幾絕復孝事繼母父多舊逋悉身肩之有弟五人不以分累父驂卒擗踊不欲生歎粥茹蔬形容槁瘁既窶奉主寢必如生常讀孝經輒詣主跪哀痛不自勝終制猶如故年踰八旬見詩書言孝者未嘗不隕涕也祀郡孝子祠邑忠義祠

項聲 邑庠生年十歲割股療父疾不愈哀毀如成人稍長事母以奉祭時歲大旱禾盡槁聲撫松哀號田禾猶熟聲先負土其傍邑令親唁之遠邇咏歌成快祀忠義祠

陳尚老 兄鶴老死闔中丐貸往奔喪士人高其義稱精誠之度終不能輿櫬還火其骨置一函負以歸每止宿枕之戶不敢發聲淚漬衾席比歸嫂焦氏以烈死得與鶴老合葬焉

程祚 邑庠生幼秉至性年七歲母胡氏疾禱祈願代剗股和藥以進已而果愈縣申按撫兩院俱給之穀與花紅銀額旌

曰孝格天心後居父母喪哀毀骨立三年不入寢室年踰七十每見父遺像輒涕泣其終身孺慕如此

湯世政

字伯瑩父卧病視湯藥二年不解衣便溲皆手自扶接處州羣賊起鄉盡逃時父病不能離枕壽政抱持

號泣闔門以待寇忽至圍而進軍人

臺改其里曰仁孝里

湯友

字又光貌恂恂若孺子而勇敢多方力年弱冠從師受業甫夜有賊至一市喧闐同堂生俱驚竄友獨不去曰吾父

與師在此吾當以死衛之奈何逃避賊隨逸去己酉冬盜竊發入友家伯叔皆受劫友父母未出戶盜攻之急友升屋擲石擊

太平縣志

卷六 孝義

四

賊賊多傷疾呼曰吾父母老爾若驚之誓不與俱生賊皆劫一賊從後射之洞胸顛猶振臂見父母曰兒生不能敵賊首死當效為厲鬼殺之隨歿事聞於各憲檄師四出盡殲其類地方始甯

譚學精

父病嘗剗股以救尋母病又從而禱天剗股馬母病篤焦苦益甚乃嘗糞以探其差劇

李俊

邑庠生童年父疾侍湯藥數月不懈一夕剗股進病瘳踰百日乃卒哀毀如成人及長尤篤友愛家產悉兄弟

分給不計出產里人賢之

譚宗明

母病焚香禱天剗股以救有弟少病不仁家數口宗明務農負販以贍之絕無難色

曹亨 事父甚謹有兄出繼伯父資饒後蕩盡亨仍撥田二百

餘畝給之尤敦宗族歲荒施賑必周邑令鹿以孝友堪式額
獎之子庠生士瑾亦稱篤孝云

陳曾 少穎慧一目成誦博識經傳家貧傭於外受值以養親尋
歸力耕山庄勞悴萬狀母病割股以進不起日侍父側夜
則廬母厝所如是者三年而父又疾篤籲天求代更割股進
卒不愈復廬墓三年待兄弟尤盡敬愛為塾師所得束脩
悉以奉兄已常乏食人有憐而餽遺之者概謝不受性素慤
見人有過輒面詎之然人亦諒無無他不憾也

周承佑 家種貧樵採為生痛父母俱亡孝事祖父母撫小弟鳴鳳最
篤課以詩書百計贍之而已常飢寒自忍長為謀婚力不
能並舉已遂不娶鳴鳳亦體兄志潛心力學入邑庠後連舉
數子舌耕不能給承佑仍竭手足之力以謀朝夕形勞神

太平縣志

卷六 孝義

四十六

痔羸疾以終鳴鳳如失怙特鄉人士莫不欽其兄弟孝友

胡昭先 字公懋五歲能通孝經客有難之者疏義陳詞畧不可屈
哀感異之年九齡值疾祖嚴自治罔效乃割股調藥以進祖遂
愈明經李傳芳為作詩併傳以誌其事及長立二弟食先意
承志孝聞閭里年未三十卒

程順 與弟程起力田為業順夫婦事母孝中年順婦死起婦不惠
順獨孝奉之及母卒厝柩於屋傍供食飲出入省視儼若事
生康熙戊子夏蛟水陡發順護母棺力不支抱之而死

程調陽 字光益性謹厚少孤貧家執音技養母迎意承志百計
營致不憚貧乏一日母見鄰媪衣目之詰旦調陽走城市
如其色製衣以進病瘳禱悉備踰年不倦既歿傾囊營葬形體
羸瘦瘠見者改容稱孤冤遺嫁尤厚與族姪德先交最厚德

先早歿調湯善事視孀撫孤代理其家務十餘年絲粟不嘗居
母喪哀毀得疾卒有女無子里人祠祀之

汪興老

至性適人家貧採薪易米以供母嚴寒三爐火跪地自解懷
以溫其足母歿貧無以殮族人議助其喪汪謝曰奈何以衆人
資殮吾母却弗受營葬於清潭之麓塚域皆手成之日夕露
待風雨則以身蔽塚而號人憐之為結茅以栖日採野菽暴乾
兩雪乏食則煮茹之行道為之感汪興有兄早亡撫孤姪如己
出迨長貧不能婚與自賣其屋以佐之

程廷景

家貧以力養親母病割股以療之尋愈父病籲天祈代未
聞聞黔婁嘗糞事甜苦可知差劇遂取嘗之既歿哀毀
幾至滅性每逢忌日如新喪年至八十猶悲號竟日不食

黃旺監生黃北麟養子也鏡嶺多匪竊為民患巨奸黃永壽庇

太平縣志

卷六 孝義

四十七

之賊黨甚橫獨麟不苟附壽啣之一日會飲既醉思雪忿於麟
逞兇相角壽斃死旺自外歸急語麟曰父年老二弟俱未有子
男愿身任之奔縣自首百榜不易詞獄具引領就刃初旺繫獄
獄卒高其義善視之赴憲謝回道近其居解役信之聽其歸
明日從容別家人無難色將刑惟憂父老不勝悲痛餘無一言
尸歸哀輓而祭者七十里近地為立祠

黃紹中

字理臣邑庠生年逾三十未有子家單延兩世矣其母勸
父置膝母曰恐爾不樂有弟析產耳爾心既願即言之父
許諾生弟紹清既喜或曰是將不壽多廢財可延也遂為
弟撰例貢成均曰此亦財廢矣既而父老庶母頗譴問之紹
中苦心承順色稍怒即泣跪請罪交遊稱其孝輒涕泗曰為
子若舜非能有餘我自反心負罪正多奈何年五十餘始連

舉三子弟隨歿以孝子祀之邑重建文廟須石柱四首翰之
當道並紀以碑生平賑貧之飲婚喪助祭田於家廟設渡於楊
却河建橋於三里河人皆以為錫類之仁祀忠義祠

項之亮

字信臣太學生性至孝年甫八歲侍母疾不離左右母喪
哀毀如成人事父竭名嘗甘肫未一日缺尤能得繼母心父

老嗚任心改善視而亦早訪三十載創而兼守所積均分之聽
亮曰淺葬非古也吾先人得土魂魄可安令合族子姓奉卮酒
上坵壟拜奠斯可矣豈事邀福哉生平任邑與族公事捐金
殫力遵父遺命建梅溪橋存卹外戚善行甚多人皆以孝

義稱之

崔以煒年八歲母病瘍跪泣撫摩徑渡橋墮哀號求救時值水

太平縣志

卷六

存義

四十八

發人盡駭懼煒從橋上奮入援之抱姪同溺死祀忠義祠

以上乾隆志

王之本字宇立家貧舌耕佐膳父病侍湯藥衣不解帶母遭溝

疾醫藥罔效默禱於神願以身代羹股和藥以進疾旋

瘥延壽一紀親歿廬墓側一日夜半風雨大作墓傍大樹叢叢

欲仆本拜跪哀號已而樹委地去棺尺餘得無恙墓山野火

延燒將及棺奔救無措向火叩頭風迴火熄舅氏感其年老

得一子撫而教之邑令田榕額曰純孝天全學政朱筠頌曰風

迴兆樹乾隆三十九年坊旌予祀孝子祠

張應棧

字樸林歲貢生候選訓導少與弟應榜出就外傳即
知躬行是勵嘗謂人之一言一行之不謹即貽親辱而應

榜從致知入應棧由力行進皆克嗣父學父年踰八十患癰

疾六載應棧扶持抑搔無片刻離左右弟應榜又以待父疾成血症
一身二任不假僕婢之手父歿朝夕謁墓即於墓側築學舍講學
終身不易姪鍾玘六歲失怙抱至膝上教之弱冠有名譽子鍾琬
官河南縣令迎養却不往曰吾不忍離先人墓側也其誘掖後進
以身範物覺無人不可與為善人亦不自知其何以敬信壽九
十一卒五世一堂至今學者恨不及親炙焉

王令備

事親孝教弟時可讀書遊庠卒為名宿母陳氏病瀕
危備默禱願代羹股藥之獲甦孫曾華家貧負販不

輟詩書年甫十四父病亦割股以瘳先是其祖母陳氏割股
瘳姑三世割股皆得病痊人以為孝徵

盛一愷

字右崇幼孤貧力謀甘旨以奉母母性嚴急家人少失意
愷率之長跪色霽乃起母患瘋疾謹侍湯藥數年無怠

太平縣志

卷六 孝義

四十九

色族興義學建宗支各祠愷有力焉捐金輸租皆愷為之倡

杜廷幹

事親至孝凡父母所言之事無不遵行父病延醫調治久
藥不效割股以進父病復甦壽延一紀至今嘖之稱道焉

崔時四

恭政師訓六代孫幼喪母父正疆患痿疾家貧負擔糶食
苦不能朝夕侍側恐父切愁燥每日黎明即治厨中一日

旨及需用娛戲等物畢具就床請命背負起坐視席安寢
盥漱食飲然後自飯出門去去卸擔急負回頭貨物盈里
收肆值市酒肉供晚饌夜為父整頓衣衾席褥捕虱剔虱負
父安寢然後寢如是者三十年一日方為父鋪陳諸物視食饌而
門外擔侶催出門急忘置沒具喘息奔回安置惟謹又一日
天欲雨父催去急忘置家戲圍棋之屬又奔回具陳父曰此非
緊要兒何苦爾對曰坐久必倦聊以此娛父點頭太息閭里闈

之亦皆為太息從堂兄孝廉映秀及崔族耆老欲為具陳請
旌四長跪垂涕止之曰吾有母不得待養茲父病痿無他處
朝夕供奉職應爾敢求名自增罪戾於是聞者益嘆為純
孝云

程以璠 字宗美號硯耘邑廩生秉父教湛深經術屢試廷軍元

治不殆親直文廷文何處竟前以身新代球卒與衣管棺不惜也

事寡嫂敬禮有加弟以璋以璠並序生早世璠妻盡烈買地
合葬循例請旌家徒壁立無難色後居親喪哀毀骨立茹

蔬三載著有畫中詩草行世

王應盤 性質直祖塋被侵奮軀殞命族嘉其孝義嘗祭頌昨以
表之

太平縣志 卷六 孝義

五十一

趙嘉穀 字播五國學生知州象裔孫也負易山左忽心動奔回親
果病父母繼亡哀毀成疾卒歲荒平糶數次族人荷之

後置腴田三十畝於家祠永為賑饑縣主嘗立有碑誌輸金
倡修家廟助祭田修龍門嶺路十餘里暑月施茶以平世惡贈

文林郎

王大煇 母早喪父相嬰痼疾兄外偏煇忍凡其苦之皆代為
進滌病劇籲神祈代旋割股以進疾尋瘳及父卒哭如

孺子喪葬盡禮事二兄終身友愛督學周兆基匾稱曰士林
楷模

譚信儒 國學生性孝友幼家貧父病篤百藥罔效割股以調妻
蚤喪不再娶拾遺金於路待其人還之後境漸裕族

黨尤多義舉

李士邦

家貧而孝父善飲邦嘗日新供膳孫元祥力田孝養母病

趙安邦

不痊祥割股以進母病尋愈
字國泰至性過人祖父壽早世祖母守志父外貿母繼亡與

祖母相依竭力事奉父又客死荆楚徒跣數十里扶櫬
歸給廬墓側哭至喪明聞者感泣休父志力為祖母請旌乾隆
五十七年代族完通截角又於祖祠置產備荒及修路夜幣
調急皆邦錫類之仁焉

王光秋

字顯西國學生年甫就傅父患痢躬為拭穢晝夜不憊
弱冠客江右聞父病兼程馳歸祝天祈代不入內闈父病
痊與弟光昇友愛篤執事購遺書多勸讀中年得疾惟勉
以養親讀書光昇中嘉慶辛酉鄉榜

葉德禧字福先尚柄子繼尚朗後福先事所繼母及本生父母存

太平縣志

卷六 孝義

五十一

歿均如禮創祠宇睦宗族讓家產於弟第一本至誠邑令金琢
章稱其孝義維風

譚道進

順壽繼子也家貧手藝度日最篤孝思順壽病危延醫固
不效割股以調壽病旋愈越數年進卒

湯德貴

家貧年十三隨母入山採樵猝遇虎噬其母貴急擊于虎虎
釋母與貴格鬪會救至而母已死貴憤不欲生眾勸止之
慟哭負尸歸血淚成斑

陳天養

字天如亭親以孝聞性慷慨不吝施與歲饑屢給族人代
媼舊完娶置立義塚客舒城見有瞽目負老母丐乞天養

日給以米死復殮葬之且篤于友愛兄天育淳謹篤實任理家政
天養善事之弟學泗姪文煥相繼入庠序有誨孝子邑侯請赴鄉
飲辭不就張鍾琬贈詩有束躬人如玉之句可以想其梗概云

方鵬飛 字伯豐幼孤而貧事母撫弟孝友肫執母喪明朝夕額禱

跪而紙之年餘復明如故母年九十卒痛哭幾絕孺慕終身

晚稍羸餘游太學力敦六行賑祿歲之飢寒完弟民之道與父

凡貧不能娶喪不能舉孤寡不能存者悉竭力資助之嘗祖墓

擴宗祠修家乘倡率之力為多教七子皆有義方邑令獎曰樹德

培風子定標見選舉

項惟模

字為章幼業儒性嗜詩書母病藥必親進及沒廬墓父病卒

之嗣遺命以次孫世鑑繼之姪女適夏氏家貧給薪米二十餘年

後遺幼女甫三歲撫養擇配親隣貧難婚墓者多助之山階遭

火災竊樹建屋模不校人謂有德德云

咸尚輅家無斗筲力耕奉親親好嗜味必多方致之父嘗患瘡

太平縣志

卷六 孝義

五十二

閉衿為吮之越三月出血滯病患始釋其樸行過人類如此

葉世蒼

字名山幼失怙恃大母王鞠之稍長篤念恩勤大母病危若

默禱于神剗股和藥以療之果獲痊家稍裕賙恤鄉族終于

程棟九

字興侯總六歲弟稷甫週齡父客外不歸賴母組織以給

衣食九稍長執技養親每念父常暗中流涕遂以尋父謀

諸母母苦無囊金九曰子之所以執技者正為今日計耳母許諾

乃携刀尺別母弟遍行秦晉楚豫間求三年不得至蜀遇一長

者題詩示曰人說蜀道難我說蜀道易大路樂道遠一足何曾

做相揖而去一日行至重慶大足縣聞有大路鋪名曰恒訪之

果遇父歸未及一載病卒擗踊幾絕母年八十餘卒哀毀更甚鄉人士咸欽慕之

章元傑

少業儒既服賈四方濟人急難不吝施與父病醫自藥罔效傑
剝股為膳乃痊徽甯道孫與以額曰苦孝雙親王文進奉
親孝母有疾剝股二次按察使司王與以額曰孝義維風

程能祥

字文定邑庠生享繼母以孝聞異母弟適坎珂家業蕩盡
祥以己產與弟均子庠生南徙次聽亦以孝友重於鄉孫之
山岸曾孫章並以文學顯焉

方三生

西隅人天性孝友食力養親癸亥歲時疫流行父文燈母許
氏皆染重症醫藥罔效三生竭誠虔禱剝股療治親病尋
愈時年十四戚族無不稱其孝感云

項建猷

字仲和國學生性孝友內行純備至賑族熱約及陰行善
而人不知者均可質天日

湯世仗

字天衛隆慶初處州賊數百剽劫鄉邑至宏潭適溪水泛
漲里人阻以為固賊亂流以濟仗與族祖元孫率眾搏戰斬其賊
之先濟者仗中飛刀元孫奮擊手賊始遁孫亦見殺邑侯陳上
其事於御史臺檄縣給賞合墓為書其碑曰義勇湯公之墓

太平縣志

卷六 孝義

五十三

杜文瑞

賦性溫良甫髫髻克敦孝順父病三年湯約必親進晝夜不
離父歿哀毀如禮其事母如之築廬守墓今西峯墩觀音堂
是其廬遺址刊有碑記邑令以碩德純孝額獎

王世紹

天性醇篤最重孝義祖墓為隣侵害從叔王武被傷而死
紹挺身赴公白寃其時鄰勢甚熾有司徇縱紹受烙腳之刑
卒于獄

王時謝

孝性天成厚于宗族叔世吉兄時膳為祖墓事急迫叩
閣謝自任同往事濟由京師三千里具呈郡守又復奔告宗
族自京師至家止七日入宗祠言畢而卒族眾頌曰孝義勇三

者備矣

程一仁

字道生孩提知孝年九歲母黃病危醫藥無效私籲天剖腹以進病遂痊崇禎丙子舉博張額贈孝繇夙慧又篤友于有從兄充里長虧缺補項為虛代償嘗業儒明法遂不應試父母歿廬于墓側以終孝子經以大節為先

謝有谷

字子美號十植天性純厚少失怙恃事兄極敬謹生平好施與鄉里得其法就善其家時有隣姓命獄波及谷兄惶遠避去谷往代之後錢莊獲其兄究不得白程進士繩武杜孝廉楚為之傳

汪君簡

字簡臣性樸誠父病剖股和藥愈母病又剖股得痊善体親親志於兄弟不私財利

周承雲

字繼子三孝母病篤雲願身代百計延治迄無一效因焚香

太平縣志

卷六 孝義

五十四

剖股以進比昏若有神詔者然母病尋愈族人俱稱述不置

方鎮邦

字定侯邑庠生父嘉耀字煥文以孝友著老年有足疾鎮邦負而卧起者八載居喪廬於左未嘗見齒弟諱對早世遺孤教之得成立弟婦守志歲時必分館穀以贍之嘗師事族叔丞相砥礪凡邑義舉故實縣志邦悉竭力贊成之教人先德行而後文藝頗為從學津梁知金華府張公坦讓贈糧以孝義傳家金陵進士顧椿年為邦立傳

項起鳳

字彥方國學生天性孝友父貿易舒城鳳每歲徒步往省其事母亦能得歡心家規無子不入祠祭鳳次兄境窘乏嗣鳳出己產以子鴻烈繼之生平釋字濟荒施觀鄉人稱厚德焉又造長溪塲亭修三峯菴路反助樵山嶺仰山菴茶骨其他善行類如此

周宏輝

字惟順性孝友少侍父病親進湯藥衣不解帶及歿廬墓三年母病歿亦如之事先廷錫備極哀榮自奉儉約好施

與濟貧給櫬歲以為常族興文會置祭田義田皆慷慨捐助子世章國學生凡墓祖建祠諸事悉体父志捐貲不吝任勞不倦

周增

字抑之重詩書敦孝義弱齡失恃事繼母尤謹素見器於叔太常訥谿公時太常以直諫與楊公斛山劉公晴川後先繫獄抑之不憚數千里往省太常懇懇至并為楊劉二公所重及釋歸同舟南旋臨別三公各詩以贈遺筆猶存

國朝邑侯李以孝治志沈表其閭

李朱秀

性孝義明初仍元制官徵民解海運愆期罪多不測秀已生子而以堂弟禪保元保均未育子遂代弟往遲至死

太平縣志

卷六 孝義

五十五

法有楊姓者家其義高學戶還里因並記楊老干祠有聯云

朱公義重世傳世楊老恩深春復春

周國玉

字君成太學生嘗剖股救父人無知者卒后將殮妻指剖處泣以示兒孫曰此爾祖爾父剖股刀痕也子二兄子四兄歿十數年玉與姪分產不以昆季房分均派而以子姪人數

析給通族嘉其孝義
以上採訪冊

太平縣志卷之六

文苑

文以闡道道握其源欲信欲考足志足言金履同麗墳典
婉尊是曰不朽影徂心存志文苑

宋

孫覲

字仲益五歲時為蘇文忠所器第大觀三年進士授中書舍
人建炎初被謫尋赦還擢知臨安調平江進左朝奉郎充龍
圖閣待制戶部尚書紹興後遭值口語斥居象郡久之
歸隱於太湖二十餘年孝宗朝命編類蔡京王黼事實上
之史館同時如朱守道胡文修何子誼葉夢得胡松年皆
與友善晚與子朱子交常手札與覲辨析義理又來訪借
遊獅山書秀陰二字鐫諸石嘗提舉鴻臚官故自號鴻

太平縣志

卷六

文苑

五十六

慶居士詩曰鴻臚集又著內簡尺牘明少宗伯李本序之
宋詩鈔言由其居間久故學問深誠有宋之作家卒年
九十餘

元

汪文龍字濟卿弱冠舉茂才任旌德銅陵文學掾歷常湖沿山等

州教諭皆循、飭勵造就後學與人言若不出口而踐履
多弗能及後以臨安簿致仕同時歐陽原功虞伯生揭曼碩
皆以詩文許之同郡汪文節公比之漢伏生所著有韻書標要
等書自號東山雲友卒記鄉賢

汪珍字聘之博學工詩淵博雅志卓有古風盧疎齋執雅重之

汪文節公澤民尤心服每稱南山先生著有詩集

明

汪瑾 字叔瑜工辭翰洪武十五年以明經膺薦授翰林院左春坊校書陸國子博士與胡司馬泰亨友善泰亨奉詔鎮守

南瑾作詩贈別人競傳誦之汪書源字文夫文節公澤民嫡孫亦以明經膺舉授司訓陸東陽縣學教諭

陳天德 父業埏埴所得資惠贍子修脯天德彭年入邑庠研精易理常著易論五十一篇以歲貢授高安令弟天爵幼從

學以嘉慶戊子鄉魁著有四書版正篤行世

項峻 歷齋穎悟博雅究心理要一時學行為遠近所稱以歲貢生

字美之邑庠生入監兩中副車博貫經史深晰義理者有

通鑑倍要性理備要刊刻行世年八十猶學不倦

太平縣志 卷六 文苑

子詒誠淹貫經史嘗從羅近溪王龍溪遊精研性理之學既得朱子為侯結社金陵旁及方外焦為一剖析名理乃北

面事之別歸三年若有水火解分上下內外天人三才之說其直入南華之室書成携質弱侯弱侯躍然以老友月之陳維德施鳳來並為之序

焦文臣 字賓王邑廩生性邁異輕財重諾讀書過目輒不忘其言愛古文詞尤有詩癖每與酣于言立就入北雍名噪其間

中如焦澹園及梅禹金湯霍林皆樂與之游贈答甚富性喜交兄早喪母事其嫂父遺田廬盡與其猶子硯耕自給著有燕

臺筆記

項應選 字賓吾少穎悟刻苦勤學補邑增生潛心易理著有詩詞篇行世於詩古之略嗜邑令張時泰甚器重之與仰陸應

芳與為倡和如執友孫士明增生富田才思落筆如海怒鵬寫
有妹少寡飲之守志不以貧為辭性樂與人為善汲引後進致
為勲懇

王親賢

字希文七歲能遍誦五經成童補邑校名大噪時藝多載
艾東鄉所選文定文待中鼎革後遂居樂道高尚不
出

國朝

胡琛

字吉人邑庠生幼而穎異七歲試冠軍雖室如懸磬歌聲時
出金石平居究心經史手批書經行佛三伯厚孫月峯之意
而研精洞微實能發前人所未發國初建書院修葺文
廟明倫堂皆殫心力子純生孝友若聞課弟之於書亦居
皆本於誠之反訓

太平縣

文苑

五十八

項淦

字素澄邑庠生篤志力學博極羣書尤邃於易為族秋曹
如臯高弟嘗夜觀乾象知明祚將終遂隱居卷親性耿
介不妄交接教人先德行後文藝每誦授必先焚香焚香以
滌躁妄然後從容敷陳故遊其門者多文行兼優士居
縣治足跡不至著有六息齋文集歿後散佚今存唯手編字
韻批註周易家訓二書

程倬

字漢為號禹梁常僑寓荆溪兄弟俱擅士名倬尤博雅而
中副車與同郡沈方鄴梅瞿山為詩社友常言君臣治亂三
伯雜陳有餘感也忠貞不白才士懷奇有餘憾也十室訂交與
嗟南北有餘思也溫柔婉約日暖風恬有餘慕也問圃親園坦
馬作息有餘閒也青年白首不堪記憶有餘悲也薪水筆親
朋交誦有餘愁也世態陸沉古道不復有餘憂也休文筋骨真

茗為緣有餘病也兼之天地有餘景山川有餘色禽鳥有餘聲古今有餘蹟著廿居遺稿并詩著詩餘射湖亭秋圃為之序

崔光緒 字東靈歲貢生襄陽令瑤第五子天資過人讀書數行竝下工書得鍾王家法初緒隨父任襄陽宣城王田年名流也適遊湖北瑤廷之教諸子緒受業久故其學皆有本著作擗管輅成似絕不經意而飄逸超邁不令人一望而盡嘗語人曰語不驚人死不休吾無是也別有天地非人間心竊慕之尤豪於飲每半酣落筆真有搖五嶽之勢

周光盛 字振斯歲貢生性敏嗜學終歲無虛日書無不讀博而能化行文超拔能自成家不隨風氣流轉試冠軍者凡二十餘次嘗語學者曰作文與說書不同書有定旨如大匠繩墨絲毫不爽文無定格如龍鳳藻繪變化生新神而明之存乎其所作時

太平縣志 卷六 文苑 五十九

藝不可勝計多借刻坊間詩古著有艾湖草

崔玉衡 字天杓天資穎悟尤勤學問早歲食餼每試藝一出遠近爭傳誦之家居著述子三德章德迪德華皆嗜學能文風雨晨夕討論不輟門庭內極饒樂趣詩古力追漢唐大家而變化生新絕不蹈襲或常人咸稱其姿學兩到遇闈試輒病故終身不遇以明經老德華亦終於明經

周含輝 字昊書邑庠生早歲喪父孝事孀母工舉子業專心定待二選下此不屑寓目應康熙壬子省試對策切直毫無避忌鄰舍生見而規之曰不如是無以救時弊也後果以此見黜遂不復思進取專以詩古自娛書法愛臨二王晚益工

湯新俞 字許公幼食餼雍正丙午舉於鄉胸無城府外亦無涯岸工制義兼工詩古對客揮毫氣盛如河決皆激芳典籍卓

然可觀四方從游者甚衆膺歲薦始掄魁時年已老矣著有自玉齋詩文全集

湯又衡

字莘耦博學洽聞得於友信之指授為多然能自樹幟不相襲也信豪邁衡典則各擅勝場刊有二湯合稿行世衡於詩古尤精詣所至輒有記序歌行成帙康熙壬寅以選拔赴部考授教習尋邁疾卒生平著作多散佚士論惜之

焦作賓

字于王邑廩生植品嗜學寒暑無間領袖學宮遠邇重之士午省試得而復失傳其文者擬之日華五色賦門下士甚衆類皆竝優文行

陳國衡

邑廩生勤於學問潛深理境言說書貫穿博洽而能折衷於至是督學按郡無不嘉予六邑人咸耳目之著有四書要言

太平縣志

卷六 文苑

六十

胡宗韶

邑廩生畢生嗜學批吟無虛刻每校藝出場人皆就問宗韶仍年不釋庚午己卯兩薦未售著有四書講義博採儒先蠅頭細書卷帙盈尺士人咸服其用功之勤

譚澹

字屏巖邑庠生朴拙醅謹門內無戲色所居四壁皆書儒先主敬語終日危坐未嘗箕踞居喪三年不入寢室不御酒所親憂其羸疾私以肉置飯中食之潛見之遂遂輟食每他出必詣墓稟述如事生然嗜學至老不假所著性理五約中一編

方元靜

字聖修邑廩生家貧嗜學志耕外無他業所行經義惡分之兄弟以資衣食從兄弟死無所歸皆為殯葬歲不登親族逋欠聞追呼聲即以己廩俸抵納寡言笑敦禮讓雖遇童子無敢慢受知於大中丞俞公前邑令郭嶠之延居西席甚

見尊礼隣郡邑爭延致之常著有卷石篇好事篇等書擬梓以問世携稿遠涉經洋子江舟覆盡失費志歿士人哀之

方際乾

字右文邑生安貧績學饗殮常不繼詠歌自得絕不隨俗俯仰受知於縣令張進錄張愛其才而憐其貧曰事無害

公者可進言也際乾正色曰感明公知生故周之輒受若為干請

明公亦安所用生張益敬礼之所著詩文並有典則又有四書

曉義集錄四書備考參錄等書編次諸集精粹典核為藝

林所共珍

周登瀛

字漢升恩貢生好學官於邑學於易嘗語學者曰斯道之傳有正統有旁統遵朱子之教循途守轍

者正統也易朱子之說自出己見者非無新奇可喜然皆旁統

也甚之即為不韙賊故學者但當於箇中求是不當於此外索解

太平縣志 卷六 文苑 六十一

識者以為至言又精於象緯星躔度数推測恒不爽從游者隨

其質性皆有所成就著有松雲窩詩文福象緯輯要九数集稿

春秋備要

方宗鎮

字天毓邑庠生工詩善琴有從姪日三姪孫日經幼孤宗鎮立

撫育之長則令事生理三外質轉徙十餘載無音問宗鎮親

歷豫楚尋之歸為成其家室堂伯叔環璇老乏食立延養於家

及卒殯墓盡礼有汪某歲暮迫逋負將鬻其妻宗鎮憫之出

金代償汪欲為僕以報德不受仍與資使負販自給幼失恃事繼

母江氏最孝宗鎮歿母思之潔江至衣明著有聊存草

陳常

字功五邑廩生幼好學經籍與礼比精研石核以五經赴棘

闈屢薦未售一日遊學一見礼染殘缺慨然有任詣闕里訪

求舊典并其說禮記卷之三十一禮記樂器祭器為一邑倡初常館

白下訂有六經奇英四書大全釋疑古文觀瀾等集行於世

譚志俊

字子章幼有夙慧人目為神童年十五籓宮牆頭角嶄然屢試數奇既貢成均高尚不出惟以詩書課子孫所著詩

文清逸拔俗郡司馬郭威劉淹雅工詩極賞歎之雲間倪永清選詩最梓以行世常念族少支祠思營建未果及疾革出所蓄金命子庠生于光為倡以成其志

杜芳

字已玉歲貢生僑寓鳩江績學工文尤長於詩古善作隸體人以擬鄭谷口好為汗漫遊所至明公卿折節禮之性高曠不事生產每倦遊歸惟杜門課子家徒壁立講誦不輟

王朝選

字余青性敏慧童年入庠淹貫羣書詩文並典雅清新超然拔俗乾隆戊午舉於鄉恬淡自高弗慕榮利杜門却軌足跡不履城市鄉國咸推重之

太平縣志

卷六 文苑

六十二

汪憲中

字掌六邑廩生性豪邁有宿慧文摹篆莊得其神韻常設教西樓精舍志學之士爭北面事之雅以詩酒自豪寄情閒曠俗累絕不擾心每携樽借朋侶坐飲於清潭石畔吟咏唱和竟日忘返道旁觀者咸歎為神仙中人

孫允濟

字次舟歲貢生選東流司訓疾未赴雅以詩酒自豪時人稱其十言可立就五斗方卓然甲午闈墨邑擬置第三人偽與副座主意不合遂見抑廢卯復薦未售士林惜之太守黃公和欽其名延待甚恭邑重建文廟雪夜携金代

變之智云

周溥

字桂林繼盛季子出嗣叔光睿質朴亢爽心之所非輒形於色遇公事雖親故無所回互幼負偉才年四十餘始補邑校雍正丙午登賢書嘗自著其堂曰無機心以應物有鐵骨以支貧人

皆信之生平博綜典故尤留心經世之務邑舊苦加派借友上控得
減除八百餘兩人以常平社倉保甲三策謁督學懇題事雖未行
頗違其議歲壬申太守宋公延修郡志以老辭歸乃同修邑志甫
成卒年七十六性喜鈔書自五經左國性理語錄以及古今文四大
家八大家姓氏譜四六彙選方書本草皆備鈔細評時時獨出
手裁名曰一枝錄

汪元鑣

字聯九邑增生有宿慧植品甘澹泊父性嚴承順無少拂弟
早歿撫侄如子教人以敦行為先遊其門者既脫穎出生平
究心於近思錄作文必探理要論古體修辭則切可法變化
最近長蘇居西樓禪舍四十餘年著作盈篇

王揆文

字聖一庠生生有夙慧讀書能見大意稍長善屬文每一執
出驚長老皆驚以為王仲宣一流未弱冠就試屢冠其曹

太平縣志

卷六 文苑

六十三

邑侯袁學淳目為仙才幸學院歲試首拔入庠即命梓其執文謂
才識高人數籌自喜得人踰年再試甯丞問之則文物故矣為之
惋惜者累日詩格宗少陵涇川趙侍御賞錄其句于寶笈中
卒年二十一遺稿散佚然鴻爪雪痕已不愧為學圃之英

崔應玉

號五峯邑庠生才思穎敏品格端方不可以非礼干生平一貫
通經史涉獵諸子百家兼工岐黃術為文胎息歐蘇詩法可
賦擊鉢立就飄、有凌雲氣著有鳳池詩集書法宗二王遒勁絕
倫性嗜酒興酣落筆揮灑如意門求者幾致洛陽紙貴

張鍾華

字蓮岫幼聰慧博極羣籍于三九考歲元辛酉年八歲成
明通例得即用辭不就蓋肆力于經史諸子同年可謂宗
稱其講學與孔孟同一鼻孔為文融會先儒傳說不務去陳言
一切雜體詩詞皆駸乎古作者之林然亦不輕與晚選安溪縣知縣

甫一載以老疾辭年八十餘猶手不釋卷

胡曰秀

字從雲端謹齋字言笑不苟工於舉業而尤邃於理學觀所

舉人初授覺羅宗學教習仕丹徒縣教諭祿以休用之學引進後
輩甲午夏早踊集鎮境奉委驅捕高資一帶地方晝夜督率撲
治殆盡又奉委查賑不遺不遺在任十七年士民親戴有制執行
世

項榮世

字沛侯少失怙善事祖父及母視兄弟如一體讀書具夙慧
博覽經史諸先正語錄每一操筆鉤元扶要制臺尹公以

廣陵散稱之遺其門者歲郡督學洪朴兄弟邑孝廉程以球等
皆當世名流庚辰舉於鄉赴禮闈薦而末售歸居天竺山剝健戶
著述不預外事惟倡修學宮建書院力肩其任生平公正廉潔

太平縣志

卷六 文苑

六十四

為士林矜式年六十三卒著有會川藏稿行世吳興董景坡為
之傳

崔映秀

字芝三號蘭亭奉政司訓六世孫品行端方學問淹博為諸
生詩文名已噪庠序乾隆己卯登賢書凡所著作惟期抒

寫性靈發擢理蘊不為雕琢艷異之詞而天真爛熳極趣自深
一應禮闈不第即無心仕進鍵戶著述有揀全集及蘭亭雜記
等編藏於家年四十六卒

胡紹虞

字舜齋少孤力學名重一時當事者交舉優行以母老力
辭筭嶺祖建茶菴有無名子潛寄茶銀虞為添金置田

附庵並紀其事由歲貢仕新陽訓導沈確士以蘇湖世範額贈之
生平著作詩古文詞均有專稿其整言學破妄等篇尤于世道攸
關長子汝為邑廩生品望素著次子汝舟郡貢生著有文稿

行世

社翰英

字揆六號西園未冠補郡博士員食廩餼每試前茅山左王太史惠民嘗教於書院七次冠曹偶六邑咸欽之戊子

科副榜己亥科舉人甲辰年試獲選知縣嘗授徒涇邑延陵如吳

太史芳培乃門弟子也

浣花遺稿尚未付梓刊

齋先生與講學諸公俱有本主祀典久廢偕族兄步瀛倡合

同志捐貲復與每歲祭祀宣明聖道以承先啟後為兢兢云

崔時雍

字慕唐邑增生恩貢生凌雲子家貧苦讀積學能文歲科試輒列前茅督學孫鄭兩文宗復取越子移送安撫部

院入教敷書院肄業院長胡龍襲川先生尤深器重以為學有本

源平居授徒極其嚴正不徇人情出其門者皆一時知名之士

太平縣志

卷六 文苑

六十五

曾簾訂六世祖參政思訓易旨大成暨性理大全龍山遺著諸

書後以勤學染沉疴齊心早歿時人有文章憎命達之慨

王令沛

字桂舟庠生績學敦行于書無所不讀古人言行有關名教者悉彙成帙詩書周官左氏春秋皆有論斷尤愛朱子

小學為文援筆立就著有石田存藝浣思堂文集十二卷藏于家

趙敬

字聖源號篋園庚寅舉人含茹維閩窮厥本元真知力行垂老愈篤雙督學稱其文非深有得于性理諸書不能道劉

督學稱其古調獨彈門下士多擬甲科著述頗夥如文象管見

拙齋論古二書為德定圃趙鹿泉所稱賞丙辰春奉與十友宴

有詩進呈會得疾南旋都人士惜之

崔道然

字宜久歲貢生侯選訓導世業書箱不貧苦讀弱冠遊庠試輒高等為文操筆立就不假思索平時談論不外詩古文

詞無一語及勢利見人子弟諄諄以勤學相勉授徒旌太及徽郡
出其門者多掇巍科著有學海津梁四卷及漱芳齋詩集欽
邑汪羅兩太史俱有序又族叔祖彪官左都督累封榮祿大夫
乾隆二十三年奉憲採訪事定編入 國史道然為駢體文
稟請題奏安撫馮大加欣賞即准轉咨一時士林傳誦幾同
言光片羽生平著述見重於人類如此

崔應爵

字斯吉歲貢生植品端方輕貨財敦廉介天資穎異博極
羣書勤學無冬夏每至通宵不寐所為詩古文詞力追

漢魏六朝歲科試冠軍者五前任劉圃三朱竹君秦端崖諸督
學極嘉賞之桐城姚三松太史延課其子與當世名流談論古
今書籍源流得失一座無不欽服著有春菴詩稿採芝堂課菴
兼工岐黃術活人最多邑侯曹贈以詩有明經品重儒林傳壽

太平縣志

卷六 文苑

六十六

世功兼相國才之向年七十七而歿

項夢宸

字辰臣邑增生幼從游汪西巖先生便能作擘窠大字工
舉子業戊午科鄉試房師力薦中式七日仍復落選人皆為

惋惜宸淡如也平生端莊持重不苟言笑廉潔非公事足跡不
履縣庭長吏重其學行嘉惠後學邑建天都書院宸力居多

汪元棟

字宇民少補郡庠生旋食餼試輒高等乾隆乙酉登鄉榜
文章品行為一邑冠性恬退二親年老菽水承歡不求祿仕

嘗設教山莊從游者皆有成就門下士若遊庠若食餼若登
賢書領袖黌宮者不可枚紀于族間讀書子弟尤加將大勵捐
田畝于文會永給應試者卷資乾隆庚戌會試以年屆七旬
受國子監學正著有雲窩遺稿侯梓行世子希文出繼希賢
恪遵庭訓並列膠序

項騰蛟

字雲五色廩生家貧嗜學夜常不寐經傳体研先儒傳註必自加評點試文膾炙人口邑侯袁督學嵩皆稱賞之尤

好誘掖後進嘗言讀書不但為成名計貴身體力行上可質聖賢
著有周禮旁訓一書青陽吳孝廉龍章為梓行世邑令張額贈
經明行修

汪運景

邑庠生幼失怙成童後始就傳受書弱冠學為文家貧無資或勸其改業卒不從益自奮勵晝則授徒夜則苦讀衣不解帶者數年南闈屢薦不售貴志終

項毓秀

字鶴珊歲貢生家貧力學博通經史凡有疑義詮註明晰裨益後學所著詩文雄深高古每試前茅督學開公劉公歲科三次俱拔取第一稱為江左名儒生平正直端方留心學校邑書院久傾乾隆年間有欲將遺址私售者力爭之當事得存復建

太平縣志

卷六 文苑

六十七

今多士賴之及歿邑宰陸公高高為之傳

汪鵬飛

字程九郡庠生正直自持為文酷學金陳不趨時好性喜讀書于族中寒士時加周卹嘗與文會造文廟振起士風為一邑之望

周鑛

字金璞邑庠生敦崇實學設教宅旁為定省計嚴氣正性諱從最端模範遊其門者每多正士學子師魏雪亭先生與論文極褒嘉之前修邑志鑛與參稽焉晚年猶增補注

汪飛熊

字載涓歲貢生性練達老成為文宗仰正嘉欽才就法督學朱公歲試拔第一撫其卷謂文止辨香名噪一郡年八十六應己酉科鄉試

欽賜舉人庚戌會試受翰林院檢討職銜

趙應舉

字選可歲貢生姿稟純淨讀書而學如不及雖酷暑嚴寒披吟不輟嗜酒樂酣落筆文極豪壯作事個儻無柔茹剛吐之習

汪夢賚

字雲巖刻苦有大志文力進先正不入時路家極貧赴棘闈者十九次乾隆乙卯科以年逾八旬

欽賜舉人丙辰會試受翰林院檢討職銜

汪士楠

字杞園性嗜學寒暑無間束身巖宮者四十餘年以詩書課其子姪從遊者皆為篤實之士年八十二應乾隆乙卯鄉試

欽賜舉人丙辰會試受翰林院檢討職銜

孫維緒

字源溪庠生性嗜書經史百家靡不博覽每有心得輒發為詩歌精研性命之學不求名譽晚尤篤志內行族建祠宇修宗譜殫心力者七年鄉里欽其公正子允豐允錫

太平縣志

卷六 文苑

六十八

孫承燮曾孫宗道俱庠生世守青箱恪遵庭訓

汪士英

字洽一少得義門論文輕清靈之訣後學殖念富沉思孤往宗仰西江乙酉科房師力薦以額滿見遺阮年學業精進猶手不釋卷積勞成疾貴志卒

程以瑚

字蓮有邑庠生少時聰穎讀書一目數行詩宗香山文學金陳前邑令李靜菴公選上趙星閣先生並器重之從遊其門者一經指授皆有理法可觀晚嗜山水以詩酒自娛著有蓮湖詩草

孫龍章

字豹林舉人力學砥行恪守庭訓誦明性命之學於周易性理多所發明從遊日眾倡議復建天都書院少與張鍾琬交最善庚午同復鄉闈公車四上長白雙司成同門姚

鳳雅重之著有二顧齋集

周景濂

字慕溪號蓮峯邑明經安貧勤學為文清新俊逸不減陸
萬名家詩近宋人終歲閉戶非公事不履公庭建書院修
縣志慨然身任晚年設教鳩江及門劉明賢劉觀樞並登賢書
庚子鄉試喪于金陵聞者咸悲悼之

周永志

字思靖號松園邑庠生明給諫恭節公八世孫也自幼沉潛讀
書悉循家學設帳壽祠從游日感郡守宋公念亭恒公立
堂謁恭節祠一見延至邸者敬禮之邑修文廟族建宗祠倡首
捐輸積囊盡瘁族叔宏杏早故節婦牛氏孤苦生前給養歿
後請旌若有景行齋文稿世德堂詩草九華隱梅緣錄其詩
載齊山巖洞志邑令道公云國贈額高風千古巖公半思贈額
品學兼優

孫承志字景南歲貢生性穎異弱冠遊庠旋會錄遺貫經史文典

太平縣志

卷六 文苑

六十九

臆清華試必高等習學徐秦諸公以國士目之尤工詩古脆口比自
有雅音輒困棘闈屢邀房薦不售門下士若汪君文質亦君
則瑞傳君文彪得其瓣香咸擢科第去嘗司鐸宿州臨赴都
待選卒于京邸士林惜之著有焚餘詩集六經考義書侯梓
行世

周澄

字碧潭弱冠遊庠肆力于詩賦古文教授生徒嘗曰多之讀
則知識日開研辨則義理彌熟周現折難無慚名教方
可稱士著有雲林集趙燃乙侍御金是侯為之序侯刊

方鑄

字象三號澹園性孝友穎悟博學補邑增生工詩善文試
輒高等授徒循循有法書院文峯躬任其事寢廟宗譜
竭力贊成平生忠厚退讓樂善不倦刊有丹桂聯芳籍行
世學節莊陸重其文品公舉優行堅不受晚以詩酒自娛著

有澹園集

程恒楷

字聖瑞乾隆丁丑歲貢天性純粹博學多聞居恒研貫經史註有五經纂註雲巖稿待刊士林重之

論曰江南稱人文藪淵藪太居萬山中宋學士孫莘老作宰扶輪大雅自宋迄明蓋彬彬焉夫文以載道詩聞國政易見天心胥是物也風會固殊矣而諸君子或以著作名或以文學顯藻耀高翔自成一家人言者亦幾幾乎取材于鄧林之野採珠于滄海之淵矣

太平縣志卷之六

武烈

國不廢武大烈載揚為昭文德用迪民康譽弭寇攘績紀旂常曰有禦侮每飯不忘志武烈

唐

左匡政

史名難當父詆感其而生隋末盜起匡政率眾保障因推為總管武德登承入朝授武州刺史輔公祏叛圍蘇州固守逾年李大亮至授以兵遂擊手公祏敗之加宣城大郡督封戴國公食邑三千戶後太宗伐高麗以李大亮為水道總管匡政副焉勇冠一時貞觀十三年亮勅進爵為王墓在龍門鄉華表今存

按唐書武德六年無難當入朝事貞觀十三年亦無難當

太平縣志

卷六 武烈

七十一

亮事惟李大亮傳內有公祏方圍蘇州刺史左難當固守大亮率兵擊手走之數語事正在武德六年亦無授兵敗公祏之文且征遼事在貞觀十九年李大亮以十八年十二月卒如郡邑舊志所載難當已歿七年唐初功臣亦無封王者種種譌駁姑存之以俟考

元

杜信牧

豪勇好義元季亂民無所依自稱安土主簿率義勇三千餘人保障一方至正壬辰紅巾賊犯境追戰龍門嶺賊奔潰地方以甯及卒尚書江澤民奏賜諭墓

孫雷雲

聰敏勇決元末鄉人稱亂仗義收捕境內以甯上圖於朝授本縣尹

陳舜甫

字虞卿幼習儒業兼通武事元末盜起同孫雷雲勦

捕有功授石埭縣尉

明

李誠

父惟二客薊州因籍為登元進士除本縣尹遂復本宗時徽
饒盜起率官兵克捷陞元帥丁酉太祖下常州至甯國路
納土歸附賜緙衣銀碗從征江州大呼陷陣死太祖遣官致祭
吳宣使為詩弔之猶子勝原善兵法工詩歌為幕下總管凡
所駐營必詠歌紀行有遺稿傳世

國朝

崔定遠

字伯超氣宇冲和幼習武事業試不利遂專心韜略丁
酉擢武科初授平海衛千總改陞滁州衛都司釐剔
蠹興嚴飭旗弁屯政肅清武德並著

崔彪字從翼康熙十八年由行伍拔補金門鎮標左營百

太平縣志

卷六 武烈

七十二

總追勦海逆克復海壇南日平海湄洲崇武鼻塗等處直
抵金門廈門二島晉秩隨攻克澎湖三十六島嶼二十二年
從征臺灣身戰績三十二年補臺灣水師左營紀功授
左都督彪驍勇善戰臨敵摧鋒陷陣蹈厲無前故所至
皆建奇功在任勦撫兼施四境甯戢簡閱之暇仿古屯田
法教以墾闢軍民富庶漸知禮教以俸滿去遮道送者如
市赴部以原職免其考射即補授直隸撫標左營右都
督管遊擊事三十六年致仕

聖祖命大學士熊公賜履驗彪在陣傷痕身經百戰體無完

膚

制授榮祿大夫錫之

誥命食俸一品封其先三世如彪秩鄉居十年自與賓筵外

不入城市乾隆三十二年內閣准安撫馮咨纂入
國史

贊曰左難當孫雷雲陳舜甫杜信牧由田間起因亂倡義保
火境土遂為眾所推以功名顯可不謂豪傑之士哉崔彪拔
自行伍屢建奇功卒邊

聖主之鑒

龍章寵錫榮及三世近古以來又何可多得李誠亦識時之
彥既乃致命疆場固能正其終者矣

隱逸

天地匪閉隱亦何為名山秀絕達人情移素絲恐染衡門
咏詩烟霞有癖論次如蘇志隱逸

宋

蘇繼芳

字明卿建炎初詔還元祐籍人官爵繼芳以文定公轍之
孫承恩任銅陵令四年車駕播遷越寇盜日滋繼芳謝官
欲歸未幾金婁室入寇張浚敗績於富平關陝大震盜桑
仲復陷均房遂乘勢搥金州將入蜀水陸竝阻繼芳適由青
池至邑涇陽嶺愛其勝卜築焉孫忠良於宣宗朝尚郡主
友龍登第仕至兩浙漕舉

劉

逸

經明行修屢舉不第遂高尚不出時孫覺為邑令甚
器重之卒後邑令詹承宗表其墓曰鄉賢劉文與子之

太平縣志

卷六 隱逸

七十四

墓壙志載遺佚傳

明

林景初

篤孝友漁獵百家雅以山水自娛洪武初求道材縣令
梁德遠致書勸之仕卒以疾辭隱香城山自號獨隱居

士

王

燧

字子融生元末高才積學遭時亂隱居養親洪武初
或勸遊太學同業竝重之終不願就職以親老辭歸請
書自娛徜徉終身

湯夢麟

字瑞徵幼出繼陳氏貧窘苦讀長遊庠食餼乃復本
姓養陳翁媪數十年為卜墓立田樹表性淡遠愛與

田夫野豎遊山齋蔬水意自得也明末當序貢以足疾辭
入欽其沉淪之志

周元 字友凱邑庠生少孤克自成立事節母年六十孺慕不衰
交友極誠務盡規勸遠近欽之晚年甘心恬退惟與二三老
友徜徉山水間人莫測其意之所存

崔海 號龍潭慷慨負偉才不營生產宗部有重務直任不少徇
避與弟深共業聽擇肥饒然自沈耽頗慮人知晚益峻潔託
跡泉石放飲造歌遊其絕俗

焦守文 字肖甫少奉煜曾孫孝廉尚宏之子博綜條貫喜吟咏
楷法篆隸並佳隱居不圖進取以琴書花石自娛編輯
歷代帝王年譜及本宗家乘秋曹瑒如阜奉為之序

李一堂 字伯升入郡庠鍵闕廿餘年岸異自命前朝末逃名不試
削髮入匡廬年餘有族人見其破衲運屨五老峯下以
鄉語挑之熟視佯不識徑入山去

太平縣志 卷六 隱逸 七十五

湯燕生 字巖夫少穎悟工舉子業入郡庠甲申後謝衿衫鳩江有
舊友賢往依之終歲閉戶博覽羣書尤長於詩古篆隸
八分求者甚眾然一字不輕與也父歿歛墓無資鬻高書牘以治
喪凡贈賻悉不受知交某有難幾以身殉救屋數椽僅堪容膝
客至不見即見亦不報瓶粟常乏惟忍飢自守無人至比之魯子
明云

陳輔性 字足彝邑庠生嚴毅孤峻言笑不苟遇之恂恂如易與而義
之所激雖榮辱禍福不為動淹博善詩於古人中獨嗜少陵
謂其忠悃惓惓舉念不忘君國也初與同時知名士沈耕巖張
爾公輩友善鼎革後令難髮及迫之不從遂遁黃山以老

朱鴻祚 字士賓貌甚偉質性醞敏以先世兩與鄉貢欲以詩書業
昌大之感奮不下榻者三年為文洞穿理窟原本經術食

飢郡庠貢成均時已崇禎末年矣遂堅守窮處研精理學尤
邃於易遠邇爭設皋比延致之閉戶匿跡謝不往卒年八十
餘

項士文

邑庠生博學敦行事親出告反面定省罔視一導古礼治家
嚴肅閨門內事事截然鼎革後遂屏居不出徜徉山水
以終嘗立家規數十則於宗祠引據經傳古道可鏡族人世守
之

方志勵

從學於項孟凱作文已升其堂而醜謹有加言不妄發行
必方軌居親喪晝夜不脫斬哀者三年嘗夜讀燈滅
誤墜書於地跪而取之戴首自責及晨友人勸之乃起明末隱

居桑山

國朝

太平縣志

卷六 隱逸

七十六

焦之憲

字若周康熙辛酉武舉人性高曠工吟咏不以世事經心
鄉舉後謝公車不復登建一小樓顏曰柳舫坐卧其中嗚
琴長嘯胸次洒然興至寄之於詩暇即濡墨作書畫書法蒼
勁畫則粗枝大葉絕不顧俗眼然人益寶貴之生平所積金以
建三善橋著有畫世先人文力難付梓亦無意行世也

無名子

不知何許人也衣冠楚楚過南市持茶一封交歲貢生胡紹
虞家而去持給虞外出夜分乃歸發之有白金二十八兩書
一函稱苦積所贏浼其置田附胡氏於箬嶺施茶不願留名胡
遵其囑勒碑誌之稱曰無名子

程袞

字公錫少孤敬承母命勵志讀書蜚聲膠庠甲申後脫
然世外伏處以自終享年八十有七兄程言同榜進士西蜀
朱耀先贊曰公號媧石奮志春秋試輒冠軍身為介弟未嘗

一入公門惟灌園種花以自樂洵不愧清潔高風

項之冲

字子謙自幼天資高爽以孝友著聞讀書近水坑山中雅善鼓琴尤精於易書法二王詩近儲光義視富貴泊如也以

親老絕意進取遠近高之

趙克佐

邑庠生性嚴正博雅多才負時望邑中事無大小必特決裁眾咸倚以為重鼎革後薙髮令下遂隱於慶雲

巖有訪之者彈琴嘯歌夷然不屑門人孝廉周光啟題其遺像曰藹然者其貌浩然者其衷執文壇之牛耳乃相時以雍容幸瞻言其如昨詎揚扈之能終遺經在笥楚楚能熊嗚呼先生垂裕無窮

贊曰古之所謂隱者非皆沉淪之思蓋有見機之智焉况若湯燕生輩固阮孝緒所云夷齊不厭薇蕨黃綺無間

太平縣志

卷六 隱逸

七十七

山林為仁由己何闕人世者也要之窮而無悶皆足以表貞白激貪競超然並遠矣

太平縣志卷之六

鄉飲賓

古鄉飲禮六豆加邊深維其義豈僅尊年彰善闡惡道寓
賓筵膺斯舉者曰德曰賢志鄉飲

明

鄧 樞總府長史

陳 鵬教諭

葉 蕃訓導

胡 燮訓導

孫 坡教諭

孫 榜約正

黃 銳益府典儀

孫 煉同知

譚天賜同知

黃子清典簿

李過春衛經歷

黃文元經歷

崔逢鵬

李元懋

林邦藩舉人

崔士望大學生

邵一元太學生

崔茹美

黃文炳

林大夔

李 榮庠生

李懋濤太學生

方 檀岷府典儀

項士尚

李占春庠生

程在雲庠生

汪肇元庠生

焦齡度庠生

太平縣志

卷六 鄉飲

七十九

崔學生

焦詩達庠生

崔士開

江天申庠生

程振猷庠生

李萬壽

項祁山太學生

項格誠

劉國幹

劉國裕

王應冕太學生

王 輝庠生

譚 澄

項大柳

胡 鉞

項 鏞

李廷楷

胡 櫛

項有位庠生

崔逢喃兩興賓筵

崔應楨

汪 德

方文煜

方志遠

焦元珙

黃明善

陳文衢

李元會

崔大鵬

陳福成

黃子榮

陳宗時

譚天成

譚學敏

劉大憲

黃寄生

崔廷讓

譚德賜

查梧榮

林大立

李士彰

項敏德

陳應聘

林宗依

焦宏增

李廷密

李廷淵

李一泰

胡櫛

李懋祈

邵守模

李懋初

李懋善

李大掄

林士垣

項守任

汪遇節百歲

汪天榮百歲

項之統

戴九齡

崔士祈

陳文輝

汪貞生

崔坊

方大順三代賓筵查

洪三與賓筵胡仲楠

謝觀

趙瑞生

李之論

周可放儒官

汪萬

程文亮庠生

孫正勳

蘇麟祥

譚天衢

程應雷

方有載庠生

國朝

項雯同知見宦業

蘇世厚

項嘉生

杜賓

張北麒

崔儒生

周仲理

周邦鎮

張兆盛

崔安仁庠生

程元潤

太平縣志

卷六

鄉飲

七十九

王嘉賓

蘇中慥庠生

孫天望

謝時畧庠生

胡本高

謝和芳

謝尚晉

汪長壽

汪振元庠生

譚一援

蘇都源賓筵三代

胡本琰

譚經繡庠生授州佐

王應勅

項之綵庠生

杜桃柄

江本愛

汪霖庠生

曹永

程福壽

羅邦信

周灝

汪武明

周全庠生

梅守恒

胡本柏

潘廷選

孫黃耆

林有頊

陳時輔

汪頭九

謝尚智

王繼清

汪安

李士錄

焦漢文

陳偉

陳尚通

張大

曹同升

李懋赫

陳泰老

陳廷元

王肱

許學聘

譚宗景

王睿

孫發祥 廩貢金壇教諭

葉仲冕 制府掾

譚學術

李大昂

葉正元

梅子品

胡有大

曹志昊

戴明哲

李天愛

李大遠

方一翰

胡芝芳

李明信

程愈令 歲貢

江本彭

李哲

梅阡

湯守曠

謝應選

謝應蕃

謝應攀

李懋朋

譚泰

程一紳

程時中

項嶠

程明

林有彩

方耀

譚世錦

陳瑞潤

孫六十

王令綰 約長

林邦柱

孫文卿

葉仲典 百歲

項士瑤

羅有德

汪良

孫元誘

李時生

譚一璉

汪萬生

譚宗愷

陳轅

孫瓊生

太平縣志

卷六 鄉飲

八十

趙士諤

程彪 歲貢

汪士元

陳鑣 庠生

陳廷衍

汪應盛

汪一貴

周光斗

方逢吉

蘇士榮 庠生

孫必造

王應繹

陳兆晟

周元貴

黃本庸

方嘉緒 介賓

譚志倬 庠生

陳天爵 庠生

陳繼華

汪世陞

崔壽齡 監生

焦宏遠

汪大雄

周元瓊 以上乾

隆志

崔必遠

張光瑞

焦良璧

杜雲標 介賓

盛一愷

王三錫

杜果老 監生以

明補遺

杜滌大賓

方祺 字景福 邑庠生

方必恭 太學生

方必通 正德間大賓 見孝義傳

杜葵 介賓

杜邦球 介賓

杜邦璽嘉靖方廷珍大賓
方浩大賓
杜文嘉義官

杜邦泗義官杜邦珉義官
杜文烈介賓
方應祿巡按宋燾

舉杜文衡
杜文明縣丞
趙瑞大賓

杜文觀程浩
程肇欽庠生
方文煊舉人

杜應耿介賓杜應軫介賓
趙儒
杜應軌存此司經

杜應扶方應祥
蘇修源介賓
趙仲吉

蘇傳源方文煊介賓見懿行
方志悅
葉服興

戴行履項涯
項學禮
杜文時耆賓

焦詒芳項進宗孝義
方琢旌善
王玉潤

崔藹然項福祖耆賓
項實以上懿行有傳

林宗倚按台旌獎
譚德忠邑庠生舉明經

江鯤庠生見懿行
方棣義官
項柏義士

太平縣志
卷六 鄉飲
八十一

李元昌介賓王允欽太學生
王壽源義官
林文正大賓

方文會庠生率優行
李旦旌善
王仲憲介賓

孫榮柯例授七品冠帶
陳夢敬學正兩與賓筵

王世伏旌義李道明例授七品冠帶
黃國仁

方志璨李銓
胡渡以上懿行有傳

項廷瑞林文奎太學生
汪天福兩與賓筵
汪士昌詳懿行

王輅大賓劉樞榮
趙森字子儼由優行率鄉飲介賓

項士貴庠生王福例授冠帶
項士國
焦紹炎庠生

項士琛孫子昂
孫宗極廩生
孫子憲耆賓

國朝補遺

趙茶庠生趙希蛟
趙夔

趙志復趙恢
趙效宗

趙登

趙之俊介賓

杜宗緯

杜尚誌

杜善教

杜善養

杜善猷

蘇復銓

劉妙春 見懿行

戴國立

劉應盛 庠生見懿行

方志貞 見懿行

張 旭 兩與賓進

王世藩

崔如璧

焦癸巳

劉有蘭

崔俊

崔士嵩

趙大啟

趙元會 名憲

項士博

葉文涵

王挺生 介賓

方向和 見懿行

葉仲邦

焦謨 庠生

葉文表

葉文霞

胡本堅

焦佳賓 庠生

劉大洋 見懿行

汪一楨

焦世玳

孫學起

周永啟 監生

孫錫緒

李大燦

盛國寬

譚世杏

譚世柱

林懋衢 康熙三十八年

林兆玟 康熙四十九年

林有清 康熙

項士璚

項守閻

陳耀垣 庠生

太平縣志

卷六 鄉飲

八十二

陳 隆 乾隆四年舉

湯新煜 太學生 乾隆二十四年舉鄉

飲介賓

論曰古者以三物六行興民 復設鄉飲酒禮 獎勸之上 茲

貴德並行 不倍前明 因之 厥典加嚴 我

朝歲舉少則一二人 多至四五人 賓筵秩秩 恩何渥也 膺斯

選者 鬚眉皓白 衣冠甚偉 不獨閭閻之光 亦合邑之榮

矣 豈不盛哉



